

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA TRIDESET PRVE SJEDNICE GRADSKOG VIJEĆA TUZLA ODRŽANE 28.
SEPTEMBRA 2023. GODINE U POSLOVNOM OBJEKTU „GRAFIČAR“ SA
POČETKOM U 10,00 SATI.**

- SJEDNICI PRISUSTVUJE 30 VIJEĆNIKA.

U Tuzli, septembar 2023. godine

NATAŠA PERIĆ – predsjedavajući Gradskog vijeća Tuzla

Molim kolegu Mehmedinovića da sjedne. Pozivam vijećnike da zauzmu svoja mjesta. Počinjemo sa radom. Molim da isključite telefone. Molim vijećnike da zauzmu svoja mjesta. Počinjemo sa radom.

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 31. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća sjednici prisustvuje 29 od ukupnog broja vijećnika, što je dovoljno za punovažan rad i odlučivanje. Za današnju sjednicu, svoj izostanak je najavio vijećnik Omer Berbić. Predlažem da mu opravdamo izostanak, a za današnju sjednicu kašnjenje je najavio vijećnik Zoran Jovanović.

Obavještavam vijećnike da su Aleksandar Vujadinović i Nedim Bijedić 21.09.2023. dostavili obavijest predsjedavajućoj Gradskom vijeću da od 15.09.2023. nisu članovi Socijaldemokrata BiH - SD BiH Tuzla i da u Gradskom vijeću Tuzla nastavljaju djelovati kao samostalni vijećnici. Dalje su u obavijesti naveli da će zajedno djelovati kao klub samostalnih vijećnika, te da će predsjednik kluba biti Aleksandar Vujadinović, a zamjenik Nedim Bijedić.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram sa 30. redovne sjednice Gradskog vijeća Tuzla, održane 31.08.2023.

Da li ima primjedbi na zapisnik sa prethodne sjednice? Ako ne...Molim? Imate vi? Izvolite. Nikica Vidović. Izvolite.

NIKICA VIDOVIĆ – vijećnik Hrvatske demokratske zajednice BiH

E hvala. Ja vas sve srdačno pozdravljam. Ja bih samo glede ovog stenograma volio da negdje piše da je gospodin Aid Berbić dobacivao, da ne ispadne da sam se ja gospodinom Elvirom Bijedićem i vama gospođu Nataša nešto prepirao, zato što je ostalo nedorečeno kome se ja ili ko dobacuje, pa bi volio evo samo da se zna u stenogramu glede Vodovoda (NATAŠA PERIĆ – U redu) bila komunikacija između gospodina Aida Berbića i mene. Hvala lijepo.

NATAŠA PERIĆ

U redu. Uvažavam sugestiju. Hvala.

Stavljam na izjašnjavaње Zapisnik sa 30. sjednice Gradskog vijeća održane 31. avgusta 2023. Molim vijećnike da se izjasne.

Glasanje je okončano.

Konstatujem da je Zapisnik sa 30. sjednice Gradskog vijeća Tuzla održane 31.08., molim vas malo tišine, održane 31.08.2023. usvojen sa

29 glasova za, nije bilo protiv i nije bilo suzdržanih.

Za današnju 31. redovnu sjednicu Gradskog vijeća Tuzla predlažem dnevni red koji ste dobili u materijalu za sjednicu.

Obavještavam vijećnike da je u Gradskom vijeću Tuzla 07.09.2023. od strane Savjeta Mjesne zajednice Šićki Brod dostavljena, u skladu sa članom 74. Statuta Grada Tuzle („Službeni glasnik Grada Tuzle“, broj 6/21.), Građanska inicijativa građana Mjesne zajednice Šićki Brod za donošenje odluke o proširenju zone toplifikacije za cijelo područje naselja Plane koje pripada navedenoj mjesnoj zajednici.

Kada su u pitanju građanske inicijative kao oblik neposrednog odlučivanja građana, podsjećam da je članom 74. Statuta Grada Tuzle („Službeni glasnik Grada Tuzle“, broj 6/21.) propisano sljedeće:

Član 74.

„O svakom pitanju iz djelokruga Gradskog vijeća može se pokrenuti rasprava putem građanske inicijative.“

Članom 75. Statuta Grada Tuzle propisano je sljedeće:

Član 75.

(Razmatranje građanske inicijative)

(1) Gradsko vijeće je dužno, da raspravlja o građanskoj inicijativi iz prethodnog člana, ako je inicijativa podržana potpisom najmanje deset posto birača upisanih u birački spisak sa područja mjesne zajednice iz koje je potekla inicijativa.

(2) Gradsko vijeće je dužno donijeti odluku o dostavljenoj građanskoj inicijativi na prvoj narednoj sjednici i dati odgovor podnositeljima inicijative najkasnije trideset dana od dana prijema inicijative.

Uvidom u podnesenu Građansku inicijativu utvrđeno je da je istu potpisalo 411 građana.

Odmah po dobijanju inicijative, od Službe za opću upravu i zajedničke poslove, Centar za birački spisak, zatražen je podatak o broju birača upisanih u birački spisak za područje Mjesne zajednice Šićki Brod na dan 07.09.2023.

Uvidom u akt Službe za opću upravu i zajedničke poslove, broj 09-163/2023 od 08.09.2023. utvrđeno je da je u birački spisak za područje Mjesne zajednice Šićki Brod na dan 08.09.2023. upisano 3.690 birača, što znači da je Građanska inicijativa građana Mjesne zajednice Šićki Brod podržana potpisima više od deset posto birača upisanih u birački spisak sa područja mjesne zajednice iz koje je potekla inicijativa.

Imajući u vidu odredbe Statuta Grada Tuzle koje se odnose na građansku inicijativu, kao predsjedavajuća sam Građansku inicijativu građana Mjesne zajednice Šićki Brod prosljedila gradonačelniku Grada Tuzle, Službi za komunalne poslove, izgradnju i poslove mjesnih zajednica i Centralnom grijanju dd Tuzla, kako bi istu odmah razmotrili, te pripremili odgovarajuće akte za septembarsku sjednicu Gradskog vijeća Tuzla, kako bi Gradsko vijeće Tuzla moglo donijeti odluku o dostavljenoj građanskoj inicijativi na prvoj narednoj sjednici i dati odgovor podnositeljima inicijative najkasnije trideset dana od dana prijema inicijative.

Sa svim navedenim upoznati su i članovi Kolegija vijeća na sjednici održanoj 19.09.2023.

Nakon što je održana sjednica Kolegija Gradskog vijeća i nakon slanja materijala za današnju sjednicu Gradskog vijeća, Centralno grijanje dd Tuzla je 21.09. dostavilo Odgovor, broj 01-10884-2023, na Građansku inicijativu građana u Mjesnoj zajednici Šićki Brod (Plane), a Služba za komunalne poslove, izgradnju i poslove mjesnih zajednica Informaciju, broj 05-01-19-1267/23 od 25.09.2023.

Imajući u vidu da je članom 75. Statuta Grada Tuzle propisano da je, citiram: „Gradsko vijeće dužno, da raspravlja o građanskoj inicijativi, ako je inicijativa podržana potpisom najmanje deset posto birača upisanih u birački spisak sa područja mjesne zajednice iz koje je potekla inicijativa“, završen citat, u prijedlog dnevnog reda današnje 31. redovne sjednice Gradskog vijeća Tuzla se uvrštava Građanska inicijativa građana Mjesne zajednice Šićki Brod za donošenje odluke o proširenju zone toplifikacije za cijelo područje naselja Plane koje pripada navedenoj mjesnoj zajednici, sa Odgovorom Centralnog grijanja dd Tuzla, broj 01-10884-2023 od 21.09.2023. godine i Informacijom Službe za komunalne poslove, izgradnju i poslove

mjesnih zajednica, broj 05-01-19-1267/23 od 25.09. i to kao tačka 7. dnevnog reda, dok se ostale tačke redosljedom pomjeraju.

Građansku inicijativu građana Mjesne zajednice Šićki Brod, kao i sve akte vezane za postupanje ste dobili elektronski, kao i printane, na ulazu u salu.

Obavještavam vijećnike da je gradonačelnik Grada Tuzle, kao predlagač, 28.09.2023. dostavio obavijest da, na inicijativu Nadzornog odbora Centralnog grijanja dd Tuzla, a zbog propusta u Odluci Nadzornog odbora Centralnog grijanja dd Tuzla, koji je detaljno obrazložen u obavijesti, iz dnevnog reda 31. redovne sjednice Gradskog vijeća povlači tačku 5.

RAZMATRANJE I USVAJANJE:

a) Odluke o davanju saglasnosti na Odluku Nadzornog odbora „Centralno grijanje“ d.d. Tuzla o izmjenama Opštih uslova za priključenje na sistem daljinskog grijanja i isporuku toplotne energije sa Tarifnim pravilnikom,

b) Odluke o izmjeni Odluke o davanju saglasnosti na Odluku Nadzornog odbora „Centralno grijanje“ d.d. Tuzla o utvrđivanju cijene usluge grijanja po m² i cijene usluge grijanja po MWh.

Obavijest gradonačelnika Grada Tuzle o povlačenju u kojoj su navedeni razlozi povlačenja kao i inicijativu Nadzornog odbora Centralnog grijanja dd Tuzla da se iz dnevnog reda povuče ova tačka, dobili ste u materijalu podijeljenom neposredno pred početak današnje sjednice.

Sada stavljam na izjašnjavanje Dnevni red u cjelini. Molim vijeć... (vijećnik Alen Kapidžić govori bez uključenog mikrofona op.a.). (SLAĐANA KRAJINA – Koje?) (vijećnik Alen Kapidžić govori bez uključenog mikrofona op.a.). (SLAĐANA KRAJINA – Povlači). Povlači. (SLAĐANA KRAJINA - Predlagač ima pravo da povuče tačku).

OK, slažem se, al mogu neku sugestiju za narednu sjednicu). Pa nemojte. Aha. (vijećnik Alen Kapidžić govori bez uključenog mikrofona op.a.). Pa hajte ako je sugestija. Recite. (ALEN KAPIDŽIĆ – E hvala. Znači, vezano za ovu tačku Dnevnog reda Centralnog grijanja što je povučena i dobro je da je povučena, al mene ovdje za naredni put...). Molim vas...Aha. Uključen je. Nego, nemojte molim vas da pričate...

ALEN KAPIDŽIĆ – vijećnik Socijaldemokratske partije

Pošto je, pošto je za narednu sjednicu vjerovatno bit pripremljen ovaj dokument, a u ovom dokumentu, tj. obrazloženju nema jasno definisano ono što mene ovdje interesuje. Znači, ja ću ovdje, ovaj, iz ove odluke, je li, i razlog za donošenje ovakve odluke piše da, pročitacu dio, citiracu dio: Novom odlukom Nadzornog odbora cijene usluga grijanja koja se obračunava po metru kvadratnom ostaju nepromijenjena, dok se cijene usluga grijanja po potrošnji toplotne energije mijenjaju u pogledu načina obračuna ukupne cijene, na način da se u obračun ukupne cijene uvodi i varijabilna i fiksna komponenta cijene. Znači, da se za naredni put ako bude pripremi u obrazloženju, ako može. Naravno, ako ne pripreme, ja ću to svakako pitat na narednoj sjednici.

Jel to znači da ljudi koji uvode grijanje, a grijanje ne možete sad kad uvodite uvest bez kalorimetra. I kako sam ja skonto iz ovog dokumenta, to je ta varijabilna komponenta naplate.

Jel to znači da sad i dalje će ostat prilikom uvođenja grijanja da morate imat kalorimetar, a može vam se naplaćivat cijena i varijabilno i po fiksnoj komponenti?

I da li znači, recimo sad, primjer, ako imate stan od 50 kvadrata, i lupam, plaćate u prosjeku 100 maraka, recimo, mjesečno, ako neko hoće da štedi na grijanju, znači, hoće da uštedi i dođe mu cijena ispod, recimo prosjeka, dal to znači da će ipak plaćat prosjek? Zašto nam onda, onda, onda služe kalorimetri?

I druga stvar koja me interesuje. Ovdje kažu u metodologiji nema, nema metra kvadratnog, jel kao termina koji se sad uvodi. A nagažovani kapacitet kad uvodite grijanje, naplaćujete po metru kvadratnom. Kako, interesuje me to, kako se dosad naplaćivao građanima angažovani kapacitet? (NATAŠA PERIĆ – Dobro). Et, ako može to. Hvala vam.

NATAŠA PERIĆ

Dobro. Dobro. Evo ušlo u stenogram, pa ćemo poslat Centralnom grijanju ako treba za obrazloženje.

Sada stavljam na izjašnjavanje Dnevni red u cjelini. Molim vijećnike da se izjasne.

Glasanje je okončano.

Konstatujem da je Dnevni red u cjelini usvojen sa

28 glasova za, nije bilo protiv i 1 suzdržan.

DNEVNI RED

- Usvajanje Skraćene verzije Zapisnika sa 30. redovne sjednice Gradskog vijeća Tuzla, održane 31.08.2023. godine

1. VIJEĆNIČKA PITANJA I INICIJATIVE

2. RAZMATRANJE I USVAJANJE ODLUKE O IZMJENI I DOPUNI ODLUKE

O KOMUNALNOM REDU

3. RAZMATRANJE I USVAJANJE:

a) Odluke o dodjeli u zakup poslovnih prostorija neposrednom pogodbom Ministarstvu za ljudska prava i izbjeglice Bosne i Hercegovine

b) Odluke o davanju saglasnosti na zaključenje ugovora o zakupu poslovne prostorije sa Udruženje građana oštećenog vida Tuzla

c) Odluke o dodjeli poslovnih prostorija neposrednom pogodbom UG Hrvatsko kulturno društvo „NAPREDAK“

4. RAZMATRANJE I USVAJANJE ODLUKE O DAVANJU PRETHODE SAGLASNOSTI NADZORNOM ODBORU JP „RTV 7“ D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA

5. RAZMATRANJE I USVAJANJE IMOVINSKO PRAVNIH AKATA:

a) Odluka o izmjeni i dopuni Odluke o uvjetima i načinu pribavljanja i raspolagnja nekretninama u vlasništvu Grada Tuzla

b) Odluka o prestanku prava građenja na nekretnini u vlasništvu Grada Tuzle

6. RAZMATRANJE GRAĐANSKE INICIJATIVE GRAĐANA MZ ŠIČKI BROD ZA DONOŠENJE ODLUKE O PROŠIRENJU ZONE TOPLIFIKACIJE ZA CIJELO PODRUČJE NASELJA PLANE KOJE PRIPADA NAVEDENOJ MJESNOJ ZAJEDNICI, SA ODGOVOROM CENTRALNOG GRIJANJA DD TUZLA, BROJ 01-10884-2023 OD 21.09.2023. GODINE I INFORMACIJOM SLUŽBE ZA KOMUNALNE POSLOVE, IZGRADNJU I POSLOVE MJESNIH ZAJEDNICA, BROJ 05-01-19-1267/23 OD 25.09.2023. GODINE

7. RAZMATRANJE INFORMACIJE O AKTIVNOSTIMA NA ANIMIRANJU GRAĐANA I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADA TUZLA ZA PERIOD JANUAR-JUNI 2023. GODINE

8. RAZMATRANJE IZVJEŠTAJA KOMISIJE ZA IZBOR I IMENOVANJA

9. TEKUĆA PITANJA

a) Obavještenje Službe za prostorno uređenje i zaštitu okoline, broj 06/20-19-sl-358/2023 od 12. 9. 2023. godine o razlozima prolongiranja izrade Nacrta Odluke o

provođenju Regulacionog plana stambeno poslovne zone „Kreka-jug” II faza i Nacrta Odluke o usvajanju Regulacionog plana stambeno poslovne zone „Kreka-jug” II faza

b) Obavještenje Službe za kulturu, sport, mlade i socijalnu zaštitu, broj 17-418/23 MV od 8. 9. 2023. godine o razlozima prolongiranja roka za dostavljanje materijala za septembarsku sjednicu Gradskog vijeća.

Prelazimo na prvu tačku:

VIJEĆNIČKA PITANJA I INICIJATIVE

Molim vijećnike, odnosno podsjećam vijećnike da je članom 163. Poslovnika Gradskog vijeća – drugi prečišćeni tekst („Službeni glasnik Grada Tuzla 5/22.) propisano da se vijećnička pitanja postavljaju pismeno, a čitaju se u pravilu na početku sjednice.

Iz navedene odredbe, molim vas malo tišine. Iz navedene odredbe proizilazi da je vijećnika pitanja se ne mogu postavljati usmeno. Znači, molim vas danas da pismeno dostavite Stručnoj službi Gradskog vijeća i da u narednom periodu se ovo poštuje, jer je bilo slučaja da su rekli neki vijećnici da su govorili usmeno, a onda nisu uopšte predlagali, nisu dostavili pismeno. Pa molim vas.

Takođe vas podsjećam da jedan vijećnik na jednoj sjednici može postaviti najviše tri vijećnička pitanja i podnijeti najviše tri vijećničke inicijative.

Želim isto tako da kažem da Poslovnik ne prepoznaje zajedničke inicijative ni zajednička pitanja. Mi jesmo dosad to praktikovali. Međutim, došlo je do nekih zloupotreba, pa molim vas ako već postavljate zajedničke inicijative, znači, ukupno na dva, tri ili četiri vijećnika idu tri pitanja, tri inicijative. Eto. (ANEL IBELJIĆ – Možete mi reći samo ko je radio zloupotrebu?) Pa Stručne služba mi je skrenula pažnju da je bilo vijećnika koji su postavljali više pitanja i inicijativa. Ja ne znam koji su, al ja sam dužna da kažem.

Prelazimo na...vijećnička pitanja. Molim vas samo.

SELMA ĆATIBUŠIĆ – vijećnik Platforme za progres

Pa prvi dio. Ako mi dostavimo na mail, jel se računa da smo dostavili? (NATAŠA PERIĆ – Računa. Al molim vas i potpisano da bude). Da. Mislim (NATAŠA PERIĆ – Mislim skenirano), nisam dobila nikakvu povratnu informaciju, pa nadam se da je zaprimljeno, jer sam dostavila na mail, pa zato. (SLAĐANA KRAJINA – Pa jedino niste dobili odgovora, sigurno je obrađeno). Pa to kažem. Valjda su primili mail.

NATAŠA PERIĆ

Idemo VIJEĆNIČKA PITANJA

Vijećnica Ana Pejić (ANA PEJIĆ – Prilažem). Prilažete. Vijećnička pitanja Ana Pejić i Anel Ibeljić. (ANA PEJIĆ – Sve prilažemo). Prilažete. Vijećnica Ana Pejić. U redu. Vijećnik Senad Mehmedinović. Izvolite.

SENAD MEHMEDINOVIĆ – vijećnik Pokreta demokratske akcije

Hvala lijepo. Samo ću pročitati pitanja.

Prvo pitanje Službi za komunalne poslove, izgradnju i poslove mjesnih zajednica: Kada će se rekonstruisati ulica prema Vršanima u Ši Selu?

Drugo pitanje je gradonačelniku. Da li imate u planu inicirati sastanak sa gradonačelnicima Živinica i Lukavca sa temom jezero Modrac?

Treće pitanje Komunalcu. Da li se pored sadnje i obnavljanja drvoreda u ljetnom periodu obavezno i zaljevaju mlade sadnice? Hvala.

NATAŠA PERIĆ

U redu. Hvala. Vijećnik Hasib Hirkić. Izvolite. (HASIB HIRKIĆ – Prilažem). Prilažete. Vijećnik Nikica Vidović. Izvolite. Dva pitanja. Jel tako?

NIKICA VIDOVIĆ

Hvala.

Prvo pitanje: Kada se planiraju radovi na krovu prostorija Mjesne zajednice u Ljepunicama?

Kratko obrazloženje: Savjet Mjesne zajednice je kroz procedure zatražio uređenje dotrajalog krova na prostorijama Mjesne zajednice u Ljepunicama, te se vesele izradi i uređenju navedenog krova. Kada se očekuje uređenje jer je po obećanjima već trebao bit izrađen i urađen krov?

Druga: Kada se planiraju radovi na sanaciji prometnica kroz naselje Ljepunice? Svjet Mjesne zajednice je kroz proceduru zatražilo uređenje i sanaciju prometnica i udarnih rupa u Ljepunicama. Stanovnicima je rečeno da će po završetku prometnica u Mramoru i Milešićima bit pokrpljene prometnice u Ljepunicama. Opravdano se stanovništvo pribojava kada maišine napuste Mramor i Milešiće, njihov problem ostaje neriješen. Hvala.

NATAŠA PERIĆ

U redu. Hvala. Vijećnica Lejla Osmančević. Izvolite.

LEJLA OSMANČEVIĆ – samostalni vijećnik

Dobro jutro. Dobar dan. Pozdravljam sve prisutne. Ja imam dva vijećnička pitanja.

Prvo vijećničko pitanje je upućeno menadžmentu Doma zdravlja „Dr. Mustafa Šehović“ Tuzla: Da li se u Službi medicinske dijagnostike i radiologije Doma zdravlja Tuzla rade radiološke pretrage za djecu životne dobi od rođenja do navršениh 16 godina?

U obrazloženju tražimo razloge zbog kojih je u prethodnih tri do četiri godine prekinuto obavljanje radioloških pretraga, a prije svega prvog i kontrolnog radiološkog snimanja pluća kod djece. Dom zdravlja i njemu pripadajuća Služba dijagnostike i radiologije posjeduje savremeni RTG aparat sa digitalnim detektorom i kasetama koji se mogu koristiti za radiološko snimanje pacijenata od novorođenačke dobi do odrasle. Razlog opravdanosti što hitnijeg rješavanja ovog problema nalazimo u činjenici da jačanjem primarne zdravstvene zaštite smanjujemo nepotrebno upućivanje djece prema UKC-u Tuzla, štedimo vrijeme roditeljima koji su zbog bolesti djeteta prinuđeni odsustvovati sa posla, a meni kao pedijatru, najvažnije smanjujemo mogućnost stresa i straha od ponovnog pregleda i kontakta sa bolnicom i drugom bolesnom djece, pogotovo ako se radi o kontrolnim snimcima pluća, djece koja su već ozdravila i rovia.

I drugo vijećničko pitanje je Službi za komunalne poslove, izgradnju i poslove mjesnih zajednica: Kada je planirana popravka i asfaltiranje parkirališta naročito razrovanog prilaza stambenoj zgradi u ulici Šabana Zahirovića 11, Pecara 2, Mjesna zajednica Brčanska Malta?

Nakon iskopavanja kanala u koji su postavljeni insfrastrukturni priključci vodovodne cijevi i električni vodovi i slično, za novo izgrađenu zgradu u Mjesnoj zajednici Brčanska Malta, između Pecare 1 i Pecare 2, ostali razrovnani izlazi iz stambene zgrade Pecara 2. Stanarima je skoro pa u potpunosti onemogućen prilaz ulaza naročito invalidskim kolicima Službi hitne medicinske pomoći, majkama sa djecom u kolicima i starijim osobama. Molim vas da u što skorije vrijeme riješimo navedeni problem. Hvala.

NATAŠA PERIĆ

U redu. Hvala Lejla. Tri vijećnička pitanja je postavio vijećnik Alen Kapidžić, ali neće...(ALEN KAPIDŽIĆ – Prilažem). Prilažete. U redu. Da li ima još neko da ima kod sebe pitanja, a nije, mislim, dostavio, ali će... Dobro.

Prelazimo na VIJEĆNIČKE INICIJATIVE

Evo imamo jednu veliku, ovaj, inicijativu od više vijećnika Senada Mehmedinovića, vijećnika Rastodera, Lejle Osmančević, Šefik Husić, Medina Lolić, Nusret Muminović. Izvolite.

SENAD MEHMEDINOVIĆ

Hvala ljepo. Eto slučajno se danas desi da imamo svi istu inicijativu, pa smo je u samo jedan dokument, (NATAŠA PERIĆ – Dobro, dobro) da ne bi šest dokumenata slali.

Dakle, inicijativa je Službi za komunalne poslove, izgradnju i poslove mjesnih zajednica, Domu zdravlja Tuzla. Inicijativa za rekonstrukciju ambulanti Simin Han i Slavinovići. Simin Han i Slavinovići su jedne od većih mjesnih zajednica u kojima gravitira veliki broj građana, npr. kada je riječ o korisnicima medicinskih usluga u Ambulanti Simin Han, usluge koristi oko 5.000 pacijenata i taj broj u Ambulanti Slavinovići nije ništa manji. Ambulanta ima ključnu ulogu očuvanju i unapređenju zdravlja stanovnika jedne mjesne zajednice i pruža temeljnu zdravstvenu uslugu. U razgovoru sa građanima koji koriste medicinske usluge, često se navodi da je neophodno renovirati, odnosno uraditi rekonstrukciju Ambulanti Porodične medicine u Simin Hanu i Slavinovićima. Izlaskom na teren, te razgovorom sa osobljem, prioritetno je postavljanje nove stolarije, ugradnja novih mokrih čvorova, kao i zamjena krovova koji su od azbestnih ploča. Rekonstrukcijom navedenih ambulanti poboljšala bi se kvaliteta pružanja zdravstvenih usluga, ali i stvorili bi se bolji uslovi kako za korisnike medicinskih usluga, tako i za medicinsko osoblje.

Iskreno se nadamo da ćete u korist građana Simin Hana i Slavinovića ozbiljno pristupiti ovoj inicijativi, te pronaći i izdvojiti namjenska sredstva za rekonstrukciju istih.

NATAŠA PERIĆ

Dobro. Hvala. (SENAD MEHMEDINOVIĆ – Dalje). Vidim lijepo ste...Aha. Imate još. (SENAD MEHMEDINOVIĆ – Mogu dalje sa inicijativom?) Sad je samostalna?

SENAD MEHMEDINOVIĆ

Da, sad su dvije samostalne.

Inicijativa Uredu gradonačelnika, Službi za prostorno uređenje i zaštitu okoline, Službi za kulturu, sport, mlade i socijalnu zaštitu, Turističkoj zajednici grada Tuzle, Inicijativa za osnivanje muzeja Meše Selimovića.

Meša Selimović je bio jedan od najvećih bosanskohercegovačkih pisaca, književnika koji je rođen 1910. godine u Tuzli, gdje je završio osnovu i srednju školu, te je živio u naselju Tušanj. Nakon toga upisuje fakultet u Beogradu, a nakon diplomiranja vraća se u Tuzlu, gdje je radio kao profesor Građanske škole, a zatim je postavljen za suplenta u Realnoj gimnaziji u Tuzli. Prve dvije godine rata 41-e godine je živio u Tuzli, a nakon čega ga hapse. Od maja 43-e godine je bio politički komesar Tuzlanskog odreda. Od 47-e godine živio je u Sarajevu, te je bio docent na Filozofskom fakultetu, zatim direktor Narodnog pozorišta i tako dalje, te je 71-e godine penzionisan i seli u Beograd. Dobitnik je velikog broja nagrada, a njegov status kao pisca kao velikog ranga temelji se na najviše njegovas dva romana „Derviš i smrt“ i „Tvrđava“. Obzirom da je njegov lik i djelo od velikog značaja, kako za našu zemlju, tako i za grad Tuzlu, podnosim inicijativu da se njegova rodna kuća pretvori u muzej. Dakle, predlažem da Grad Tuzla utvrdi ko je vlasnik parcele na Tušnju i objekta gdje se nekada nalazila rodna kuća, te da se ista rekonstruiše i pretvori u muzej. Izgradnja muzeja svjetski poznatog književnika bi imala značajnu, kulturnu, obrazovnu i društvenu ulogu, te bi pružila brojne koristi našoj lokalnoj zajednici. Prije svega, služio bi za očuvanje kulturne baštine, zatim za turizam, jer muzeji privlače turiste i doprinose ekonomiji. Takođe, muzej bi predstavljao i simbole vrijednosti kulture i historije.

I treća. Kraća. Službi za komunalne poslove, izgradnju i poslove mjesnih zajednica, zatim Saobraćaju i komunikaciji. Inicijativa za noćno osvjjetljenje Lederovih kipova. Franjo Leder je bio boem i tuzlak koji je završio Akademiju Likovnih umjetnosti u Zagrebu 32-e godine, te se po završetku iste vratio u svoju rodnu Tuzlu. Iako je kako se navodi radio mnogo, malo je ostalo njegovih skulptura vrijedne pažnje, a najveća likovna djela su mu uništena 41-e godine. Jedno od njegovih sačuvanih djela su četiri velika kipa Lederove kandelabre koje se nalaze na mostu preko Jale. Od 1936. godine postavljeni su kipovi. Od tada svi tuzlaci most zovu „Most na kipovima“. Obzirom da su kipovi i Franjo Leder vezani za Tuzlu, podnosim inicijativu da se sva četiri kipa istoimenog „Mosta kipovi“ kao jednog od najprepoznatljivijih obilježja grada Tuzle odgovarajućom rasvjetom osvijetle sa zemlje, čime bi se u večernjim satima još više dalo na značaju i ljepoti jednog od najznačajnijih simbola Tuzle, našeg tuzlaka Franje Ledera. Hvala.

NATAŠA PERIĆ

U redu. Hvala. Vijećnik Elvir Bijedić. Izvolite.

ELVIR BIJEDIĆ – vijećnik Socijaldemokratske partije

Zahvaljujem predsjedavajuća. Ja imam dvije vijećničke inicijative koje se tiču, koje upućujem Službi za komunalne poslove, izgradnju i poslove mjesnih zajednica. Dakle, prva inicijativa za rekonstrukciju parking prostora i pješačke zone u ulici Alije Izetbegovića. Naime, na lokaciji prilazu zgradi u ulici Alije Izetbegovića na brojevima 21, 23, 25 i 27, sa prednje strane, a i sa zadnje strane od ulice Maršala Tita asfaltna površina je u značajnoj mjeri oštećena i time predstavlja prepreku za nesmetan prolaz kako pješaka, tako i za parking vozila i stanara koji stanuju u spomenutoj lokaciji. Iz tog razloga, dakle, pokrećem inicijativu za sanaciju te asfaltno površine.

I druga inicijativa za uređenje površine street workoutu poligona sa spravama u Mjesnoj zajednici Novi Grad 2. Dakle, taj poligon street workoutu je izuzetno posjećen i dostupan i prilagodljiv svim uzrasnim kategorijama naših sugrađana koji žele unaprijediti svoju fizičku formu. I usred učestalog korištenja, ta zemljena površina na kojoj je postavljen je u značajnoj mjeri deformisan i predstavlja potencijalni problem za povređivanje i u velikoj mjeri otežava korišćenje nakon obilnih kiša, jer se stvara blato na kojem je praktično nemoguće koristiti

sprave i raditi vježbe. Mišljenja sam da bi asfaltiranjem, nasipanjem ili postavljanjem bilo koje vrste podloge u značajnoj mjeri unaprijedili korištenje pomenutog poligona. Hvala.

NATAŠA PERIĆ

U redu. Hvala. Vijećnik Miodrag Tanasilović. Izvolite. (MIODRAG TANASILOVIĆ – Prilažem). Prilažete. Vijećnik Kapidžić. Izvolite.

ALEN KAPIDŽIĆ

Ja imam tri inicijative.

Jedna se odnosi ili jednu upućujem Kolegiju Gradskog vijeća. To je inicijativa za uvrštavanje tačke Dnevnog reda za oktobarsku sjednicu, da Kolegij razmotri. To je inicijativa o sporazumu sa Poreznom upravom Federacije Bosne i Hercegovine, tj. Slobode, jel, sa Poreznom upravom na ime reprograma poreznih obaveza vezano za finansijska sredstva koja su predviđena u budžetu za reprogram, a s obzirom da ovdje imamo evo i zaključak Vlade Federacije kojim se kaže: Zadužuje se Porezna uprava Federacije Bosne i Hercegovine da sportskim kolektivima koji u primjeni imaju ugovore o reprogramu duga za poreze i doprinose i kolektivi koji imaju sporazum o reprogramu, sporazume o odgodi plaćanja, neizmirene obaveze, tekuće obaveze, osigura prekid prinude naplate i aktiviranja sredstava obezbjeđenja po ugovoru o reprogramu kao i obračun zatezne kamate u periodu do 31.12.2023. godine. Evo, ja molim, a s obzirom da je na nekoj od narednih, na nekoj od prethodnih sjednica i na sastancima većine bilo čak i obećano da će se ta odluka pripremit, s obzirom da se o ovome priča već od maja, pa evo da se stavi na Dnevni red da vidimo šta je.

Druge dvije inicijative se odnose i upućene su Službi za ekonomski razvoj i poduzetništvo i poljoprivredu i Službi za komunalne poslove.

Jedna je inicijativa za rekonstrukciju zaštitne ograde i pomoćnog terena Stadion „Tušanj“ koja je u katastrofalnom stanju i predstavlja opasnost za sve učesnike i korisnike stadiona, pomoćnog stadiona „Tušanj“ i znam da je i Javna ustanova uputila dopis nadležnoj službi, tako da evo ide inicijativa.

I druga je isto vezana za Stadion „Tušanj“. Inicijativa za uređenje i izgradnju novog potpornog zida na pomoćnom terenu Stadiona „Tušanj“, obzirom da na pomoćnom terenu Stadiona „Tušanj“ provodi se trenažni proces velikog broja selekcija različitih uzrasnih kategorija Fudbalskog kluba „Sloboda“, kao i da se odigrava veliki broj utakmica, potrebno je hitno izvršiti određene građevinske radove. Ove radove potrebno je izvršiti kako bi se stvorili sigurniji uslovi za trenažni proces i odigravanje utakmica. Inače, kod odigravanja utakmica, delegati utakmica su nebrojeno puta upozoravali na ovaj problem i sad trenutno ovaj se teren ne može koristiti za odigravanje utakmica. Problem se ogleda u blizini potpornog zida tribine u odnosu na go. Takođe, blizina go...blizu gola se nalazi betonski stub i zbog toga teren baš i nezadovoljava osnovne sigurnosne uslove za trening i igru. Blizina stuba i potpornog zida jednom od golova predstavlja prijetnju po sigurnost i zdravlje sportista tokom treninga i igranja utakmice. Eto. Hvala.

NATAŠA PERIĆ

U redu. Hvala vam. Sljedeće vijećničke inicijative kolegistica Ana Pejić i kolega Anel Ibeljić. Vi prilažete? (ANEL IBELJIĆ – Prilažem). Dobro. Vijećnica Selma Čatibušić. Kod vas je jel de inicijativa? Izvolite.

SELMA ĆATIBUŠIĆ

Evo ovako. Biću veoma kratka.

Prva inicijativa je, iako bi to trebalo biti regulisano jeste pravilnikom, obzirom da sam od službe dobila odgovor na inicijativu iz februara, tj. 22. februara, evo, danas sam dobila odgovor na inicijativu. Inicijativa da službe odgovore na inicijative dostavljaju najkasnije 30 dana od dana postavljanja inicijative.

Druga vijećnička inicijativa odnosi se zapravo na urgenciju na vijećničku inicijativu za uređenje lokalnog puta u naselju Borić, a koju sam prilagala više puta inicijativu, jer samo jedan stanovnik nije dao onih 20%, a Grad je rekao da to svakako može namirit i da svakako ta naknada i nije potrebna.

I treća vijećnička inicijativa odnosi se na uređenje i sanaciju spomenika „Husinskom rudaru“ i prostora istog. Hvala.

NATAŠA PERIĆ

U redu. Hvala. Vijećnik Jusić. Izvolite.

NEDŽAD JUSIĆ – nezavisni vijećnik iz reda nacionalnih manjina

Hvala predsjedavajuća, poštovana predsjedavajuća, zamjenici predsjedavajuće, sekretaru, kolege, kolegice, vijećnici i vijećnice i ostali, želim da vas pozdravim, s obzirom da smo na tački dnevnog reda „Vijećnička pitanja i inicijative“, želim da napomenem da sam ja na prošloj sjednici pokrenuo inicijativu za sanaciju i rekonstrukciju dijela puta u Mjesnoj zajednici Kreka, odnosno Krojčica, prvi sokak, ulica do Kartonaže sa desne strane i ovom prilikom želim da se zahvalim Službi za komunalne poslove i poslove mjesnih zajednica koji su uvažili moju inicijativu, tako da smo zajednički kreirali jedan program, projekat koji je upućen Ministarstvu za ljudska prava i izbjeglice i ja se nadam da će taj program, projekat, biti odobren u narednom periodu i da će pomenuta ulica biti sanirana, odnosno da će se izvršiti rekonstrukcija i sanacija, kao i kanalizaciona mreža. I ovu tačku Dnevnog reda i ovu priliku, znači, koristim da se zahvalim Komunalnoj službi i da jednostavno i potaknem i sve druge koji mogu zajednički, sa zajedničkim snagama, sa aktivnostima, da doprinesemo nova ulaganja u gradu Tuzla da to i urade, jer jednostavno i mnoge inicijative se ne mogu realizovati jer nemaju finansijskih sredstava, ali ukoliko mi svi kao vijećnici uložimo dodatne napore, izlobiramo na nekim višim nivoima vlasti, da se finansiraju određeni projekti, siguran sam u tome da će se mnoge inicijative i realizovati. Hvala.

NATAŠA PERIĆ

U redu. Hvala. Zaključujem prvu tačku Dnevnog reda.

Prelazimo na drugu tačku Dnevnog reda:

RAZMATRANJE I USVAJANJE ODLUKE O IZMJENI I DOPUNI ODLUKE O KOMUNALNOM REDU

Predlagač je: gradonačelnik Grada Tuzle.

Obrađivač: Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za komunalne poslove i pitanja mjesnih zajednica i klubovi vijećnika.

U skladu sa članom 68. Poslovnika ja ću zamolit da ispred Službe samo neko da kratko obrazloženje ove izmjene Odluke. Znači, uvodno samo, kratko, našta se odnose ove izmjene.

**MELISA HADŽIABDIĆ – ispred Službe za komunalne poslove, izgradnju i poslove
i poslove mjesnih zajednica
Stručni savjetnik za upravno rješavanje i
normativno-pravne poslove**

Sve vas srdačno pozdravljam ispred obrađivača Službe za komunalne poslove, izgradnju i poslove mjesnih zajednica Grada Tuzla. Evo ja ću dati kratko obrazloženje.

Navedena Odluka tretira znači, ovaj, u dva člana. Prvim članom se znači u članu 48. ovaj briše stav 4. obzirom da je propisivanje rokova ugostiteljima za podnošenje zahtjeva za postavlja...privremeno zauzimanje javnih površina u svrhu postavljanja otvorenih i zatvorenih bašta se pokazao kao vrlo ne praktičan i ograničavajući za ugostitelje i samim tim smanjio efikasnost rješavanja Službe po ovakvim zahtjevima, a drugim članom se znači u prelazne i završne odredbe dodaje novi član kojima se ovaj obavezuju ugostitelji da postojeće zatvorene bašte na području grada Tuzla usklade i svoje poslovanje usklade sa znači prethodnim izmjenama Odluke o komunalnom redu kojima je tretirana ova oblast u produženom roku, kako se ne bi ugrozilo njihovo poslovanje, obzirom da nam je ugostiteljstvo jedan važan segment turističke ponude Grada Tuzla, kao turističke destinacije, a i iz razloga pružanja podrške i dobre volje prema, ovaj, ugostiteljima koji egzistiraju i obavljaju svoju djelatnost na području grada.

NATAŠA PERIĆ

U redu. Hvala vam Melisa.

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje ODLUKU O IZMJENI I DOPUNI ODLUKE O KOMUNALNOM REDU.

Molim vijećnike da se izjasne.

Glasanje je okončano.

Konstatujem da je ODLUKA O IZMJENI I DOPUNI ODLUKE O KOMUNALNOM REDU, usvojena sa

24 glasa za, niko nije bio protiv i nije bilo suzdržanih.

Tačka tri:

RAZMATRANJE I USVAJANJE:

a) Odluke o dodjeli u zakup poslovnih prostorija neposrednom pogodbom Ministarstvu za ljudska prava i izbjeglice Bosne i Hercegovine

b) Odluke o davanju saglasnosti na zaključenje ugovora o zakupu poslovne prostorije sa Udruženjem građana oštećenog vida Tuzla

c) Odluke o dodjeli poslovnih prostorija neposrednom pogodbom Udruženju građana Hrvatsko kulturno društvo „NAPREDAK“

Predlagač je: gradonačelnik Grada Tuzla.
Obrađivač: Služba za ekonomski razvoj, poduzetništvo i poljoprivredu.
Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem?
Ima li potrebe da se pročitaju izvještaji komisija?
Otvaram raspravu klubova vijećnika.
Zatvaram raspravu klubova vijećnika.
Otvaram raspravu vijećnika.
Zatvaram raspravu vijećnika.

Stavljam na izjašnjavanje Odluku o dodjeli u zakup poslovnih prostorija neposrednom pogodbom Ministarstvu za ljudska prava i izbjeglice Bosne i Hercegovine, Odluku o davanju saglasnosti na zaključenje ugovora o zakupu poslovne prostorije sa Udruženjem građana oštećenog vida Tuzla i Odluku o dodjeli poslovnih prostorija neposrednom pogodbom Udruženju građana Hrvatsko kulturno društvo „NAPREDAK“.

Molim vijećnike da se izjasne.
Glasanje je okončano.
Konstatujem da su pročitane odluke usvojene sa
25 glasova za, nije bilo protiv i nije bilo suzdržanih.

Tačka četiri:

RAZMATRANJE I USVAJANJE ODLUKE O DAVANJU PRETHODE SAGLASNOSTI NADZORNOM ODBORU JAVNOG PREDUZEĆA „RTV 7” D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA

Predlagač je: gradonačelnik Grada Tuzla.
Obrađivač: Služba za ekonomski razvoj, poduzetništvo i poljoprivredu i Nadzorni odbor Javnog preduzeća „RTV 7” d.o.o. Tuzla.
Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisije za izbor i imenovanja i klubovi vijećnika.

Ima li potrebe za uvodnim izlaganjem? (Ima). Ima? Molim ispred Službe da se obrati gospođa Alma Halilović, pomoćnik gradonačelnika ove službe. Izvolite.

ALMA HALILOVIĆ - Pomoćnik gradonačelnika za Službu za ekonomski razvoj, poduzetništvo i poljoprivredu

Dobar dan. Sve vas srdačno pozdravljam. Razlog za donošenje odve odluke je činjenica da direktoru društva ističe mandat sa danom 30. septembrom 2023. godine. Nadzorni odbor je dana 28. avgusta donio Odluku o pokretanju postupka za izbor i imenovanje direktora Javnog preduzeća „RTV 7“ Tuzla putem javnog konkursa, cijeneći da procedura konačnog izbora direktora neće se okončati do isteka mandata. Nadzorni odbor je donio odluku o imenovanju vršioca dužnosti direktora na period od šest mjeseci, počevši od 01.10.2023. godine, do okončanja postupka izbora i imenovanja direktora Javnog preduzeća „RTV 7“.

Za vršioca dužnosti predlaže se dosadašnja direktorica Društva, gospođa Jasna Kapetanović.

Mogućnost davanja prethodne saglasnosti Nadzornom odboru privrednog društva za imenovanjem vršioca dužnosti od strane Gradskog vijeća, do okončanja konkursne procedure,

utvrđena je uredbom o vršenju ovlaštenja o privrednim društvima sa učešćem državnog kapitala, kao i Odlukom o izmjeni i dopuni odluke o postupku izbora i konačnog imenovanja članova organa upravljanja o javnim preduzećima i javnim ustanovama, čiji je osnivač Grad Tuzla. Uvažavajući navedeno, u tom smislu, dostavljena je ova odluka na odlučivanje Gradskom vijeću na davanje saglasnosti za imenovanje vršioca dužnosti javnog preduzeća direktora, Javnog preduzeća „RTV 7“.

NATAŠA PERIĆ

U redu. (vijećnik Selma Ćatibušić govori bez uključenog mikrofona op.a.). Samo malo molim vas. Kad otvorim raspravu. Selma, pa samo malo. (vijećnik Selma Ćatibušić govori bez uključenog mikrofona op.a.). Pa biće ona ovdje će ona sjest. Ja kad otvorim raspravu. Možete vi Alma tu sjest. U redu.

Da li ima potrebe da se pročitaju izvještaji komisija?

Otvaram raspravu klubova vijećnika.

Selma, jeste se vi, ne vidim? (SELMA ĆATIBUŠIĆ – Jesam, jesam). Izvolite, Selma Ćatibušić. Izvolite.

SELMA ĆATIBUŠIĆ

Samo me zanimaju godine gospođe Jasne Kapetanović.

NATAŠA PERIĆ

Dobro. Da li još neko ima ispred klubova?

Zaključujem raspravu klubova vijećnika.

Otvaram raspravu vijećnika.

Zatvaram raspravu vijećnika.

Ako možete samo da odgovorite na ovo pitanje vijećnice Ćatibušić.

ALMA HALILOVIĆ - Pomoćnik gradonačelnika za Službu za ekonomski razvoj, poduzetništvo i poljoprivredu

Mi smo ispred Službe tražili od gospođe Kapetanović da dostavi biografiju u tom smislu da, ovaj, evo između ostalog da te osnovne podatke i u smislu svega. Nismo se odlučili ovaj dostavljena je biografija. Mi kao Služba se nismo odlučili da ipak insistiramo da se u tu biografiju, ovaj, unose godine, tako da ja zaista, ovaj, ne mogu vam odgovoriti na ovo pitanje.

NATAŠA PERIĆ

U redu. Hvala vam Alma. Hvala.

Stavljam na izjašnjavanje ODLUKU O DAVANJU PRETHODE SAGLASNOSTI NADZORNOM ODBORU JAVNOG PREDUZEĆA „RTV 7“ D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA.

Molim vijećnike da se izjasne.

Molim vas, malo tišine. Nemojte dobacivat. Mensure, samo...

Glasanje je okončano.

Konstatujem da je ODLUKA O DAVANJU PRETHODE SAGLASNOSTI NADZORNOM ODBORU JAVNOG PREDUZEĆA „RTV 7” D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA usvojena sa 26 glasova za, 2 su bila protiv i 1 suzdržan.

Prelazimo na petu tačku: RAZMATRANJE I USVAJANJE IMOVINSKO-PRAVNIH AKATA:

- a) Odluka o izmjeni i dopuni Odluke o uvjetima i načinu pribavljanja i raspolagnja nekretninama u vlasništvu Grada Tuzla
- b) Odluka o prestanku...Molim vas malo tišine. Ja stvarno ne mogu ovako raditi ako ćete se... Janjo, u čemu je problem?

Dakle, tačka pet:

RAZMATRANJE I USVAJANJE IMOVINSKO-PRAVNIH AKATA:

- a) Odluka o izmjeni i dopuni Odluke o uvjetima i načinu pribavljanja i raspolagnja nekretninama u vlasništvu Grada Tuzla**
- b) Odluka o prestanku prava građenja na nekretnini u vlasništvu Grada Tuzle**

Predlagač je: gradonačelnik.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarne pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Sada stavljam na izjašavanje imovinsko – pravna akta: Odluka o izmjeni i dopuni Odluke o uvjetima i načinu pribavljanja i raspolagnja nekretninama u vlasništvu Grada Tuzla i b) Odluka o prestanku prava građenja na nekretnini u vlasništvu Grada Tuzle.

Molim vijećnike da se izjasne.

Glasanje je okončano.

Konstatujem da su pročitane odluke usvojene sa

27 glasova za, nije bilo protiv i 2 suzdržana.

Tačka šest:

RAZMATRANJE GRAĐANSKE INICIJATIVE GRAĐANA MJESNE ZAJEDNICE ŠIČKI BROD ZA DONOŠENJE ODLUKE O PROŠIRENJU ZONE TOPLIFIKACIJE ZA CIJELO PODRUČJE NASELJA PLANE KOJE PRIPADA NAVEDENOJ MJESNOJ ZAJEDNICI, SA ODGOVOROM CENTRALNOG GRIJANJA DD TUZLA, BROJ 01-10884-2023 OD 21.09.2023. GODINE I INFORMACIJOM SLUŽBE ZA KOMUNALNE POSLOVE, IZGRADNJU I POSLOVE MJESNIH ZAJEDNICA, BROJ 05-01-19-1267/23 OD 25.09.2023. GODINE

Već sam napomenula da ste Građansku inicijativu građana Mjesne zajednice Šićki Brod, kao i sve akte vezane za postupanje po Građanskoj inicijativi dobili i elektronski 48 sati, iako nije predviđen rok za ovo, kao i printane, na ulazu u salu.

Ovdje su pretpostavljam predstavnici Centralnog grijanja i Službe za komunalne poslove, izgradnju i poslove mjesnih zajednica koji će, ukoliko bude potrebe, dati dodatna pojašnjenja i odgovoriti na vaša pitanja.

Otvaram raspravu klubova vijećnika.
Vijećnik Senad Mehmedinović.

SENAD MEHMEDINOVIĆ

Poštovana predsjedavajuća, zamjenice predsjedavajuće, kolege vijećnici, predstavnici službi, sekretaru Gradskog vijeća, mediji, sve vas srdačno pozdravljam.

Moram da kažem da sam pozitivno iznenađen vezano za ovu građansku inicijativu, prije svega, evo tri godine smo u ovom Gradskom vijeću i bar što se tiče ovog saziva Gradskog vijeća, mislim da smo prvi put dobili jednu građansku inicijativu, što je stvarno za svaku pohvalu. Definitivno dakle, podrška naša ili bilo kakva građanska inicijativa zasigurno igra ulogu u svim demokratskim društvima, tako naravno i u našem društvu.

Ono što želim ovdje da podržim kroz građansku inicijativu, a to je uvijek sam i prije govorio u svojim izlaganjima da apsolutno podržavam promociju građanske participacije i mislim da građani moraju da budu aktivni participanti, zato što zastupaju interese građana.

Drago mi je što predstavnici iz Mjesne zajednice Šićki Brod su i upoznati sa pravilima i postupcima koja su neophodna bila da bismo mi ovdje danas raspravljali o ovoj građanskoj inicijativi, što stvarno pokazuje o interesu kako Mjesne zajednice Šićki Brod, tako i svih 411 građana koji su potpisali ovaj dokument. Informacije koje imam, to je 411 potpisano, u prvom krugu, a moglo je to da bude puno više ljudi. Dakle, definitivno je ova građanska inicijativa mehanizam koji nam govori da građani Mjesne zajednice Šićki Brod žele da utiču na promjene, a koje se tiče proširenje zone toplifikacije u Planama.

Ja sam onako pozitivno iznenađen. Negativno, pardon, iznenađen, zato što u ovoj zoni toplifikacije kada se govori o Mjesnoj zajednici Šićki Brod, zar je moguće bilo, da evo Plane kao sastavni dio Šićkog Broda nisu obuhvaćene dokumentom koji se naziva proširenje zona toplifikacije sistemskog i daljinskog grijanja grada Tuzle.

Ja ne znam jel imamo sad ovdje predstavnike Centralnog grijanja? Kada sam čitao ovaj njihov odgovor, nisam mogao da nađem ovaj dokument. Pazite, znači, naravno nije on ovdje bio u prilogu, pa sam otišao na web stranicu Centralnog grijanja koja je odlična, koja stvarno ima tamo i zakonsku regulativu i interne akte. Dakle, imaju sve. Međutim, vidio sam da postoji ta odluka u Službenom listu, ja mislim 19/11 i nije mi bilo mrsko da odem malo to da iščitam, da pronađem i ono što sam mogao da vidim, vidio sam samo odluku Gradskog vijeća prije nekoliko godina gdje se daje odluka na proširenje zone bez dokumenta. Znači, apsolutno ovo je prijedlog možda Centralnom grijanju pošto stvarno rade transparentno, što se može vidjeti na web stranici. Dakle, da je ovako bitan dokument koji nije tajni, naravno, da bude objavljen, da bude dostupan, čisto da se zna, onaj, šta piše u toj proširenju zona toplifikacije.

Ja ne bi volio da mi ovdje odemo u pogrešnom smjeru, da pričamo o vrelovodu, zato što je jasna, jasna ova inicijativa, građanska inicijativa da se ovdje radi i traži, da se proširi zona toplifikacije i izradi tehnička dokumentacija, a onda kada dođe vrijeme, nekad, da se to priključi vrelovodu. Naravno treba da se uradi. Dakle, ja lično podržavam ovu građansku inicijativu i smatram da se treba proširiti zona toplifikacije i izraditi tehnička dokumentacija. Kasnije kada

se stvore preduslovi i uslovi da se to spoji na vrelovod, naravno da mislim da će ovo Gradsko vijeće uvijek podržati. Hvala ljepo.

NATAŠA PERIĆ

U redu. Hvala. Sljedeća za riječ se javila vijećnica Esana Kavazbašić Huskanović. Neka se pripremi vijećnik Admir Hasanbašić.

ESANA KAVAZBAŠIĆ HUSKANOVIĆ – vijećnik Platforme za progres

Dobar dan svim poštovanim kolegama i kolegicama, ovaj, ja bih imala samo jedan zahtjev ili molbu, ovaj, da dopustimo predstavnicu Mjesne zajednice da nam obrazloži razloge za ovu građansku inicijativu koju su oni podnijeli, da bismo shvatili, jer Centralno grijanje odgovore koje nama daje, nije u skladu sa onim što oni u stvari zahtjevaju. Baš ovo što je kolega Mehmedinović reko. Mi nećemo raspravljat ovdje o kapacitetima toplovoda, već o zoni proširenja, pa bi volila da damo priliku, znači, ovaj, predstavniku da nam obrazloži ovu građansku inicijativu.

NATAŠA PERIĆ

Ja prvo nisam ni znala da ima predstavnik Mjesne zajednice Šićki Brod. Nije me niko obavijestio. Vi ste svi dobili materijale šta traže u građanskoj inicijativi građani (ESANA KAVAZBAŠIĆ HUSKANOVIĆ - Ja mislim da bi trebalo dati šansu). Vidite, nije praksa. (vijećnik Esana Kavazbašić Huskanović govori bez uključenog mikrofona op.a.). Može samo evo poslije diskusije. To smo nekad imali. Znači, može samo da kaže. Mada smo mi imali, ovaj, imali ste priliku da pročitate u materijalima, znači, nije praksa da se, pogotov, pošto nije najavljeno. I ja bi zamolila evo i Stručnu službu da mi se sljedeći put kaže ako ima neko ispred Mjesne zajednice vezano za neku tačku da želi da se obrati, u ovom slučaju gospodina koji je došao, on je samo gost ovdje. Posmatrač. Eto. Al evo daću priliku na kraju samo da kaže bez ikakve rasprave poslije. Eto.

Sljedeći za riječ se javio kolega Admir Hasanbašić. Neka se pripremi vijećnik Ibeljić. Izvolite.

ADMIR HASANBAŠIĆ – vijećnik Tuzlanske alternative

Hvala predsjedavajuća. Naime, složio bih se u potpunosti sa izlaganjem kolege Senada Mehmedinovića i ovo je zaista jedan revolucionarni trenutak da su naši građani spoznali način da rješavaju svoje probleme.

Što se tiče ove inicijative Klub vijećnika Tuzlanske alternative će u potpunosti podržati i glasati za donošenje odluke o proširenju zone toplifikacije na cijelo područje naselja Plane, uz zaključak da se donese odluka o proširenju zone toplifikacije na naselja Donji Hudeč, Gornji Hudeč ili Krtolije, kako se još naziva i Rapače. Ovo su tri naselja u Mjesnoj zajednici Bukinje. Hvala.

NATAŠA PERIĆ

U redu. Hvala vam. Samo malo. Sljedeći za riječ se javio vijećnik Anel Ibeljić. Neka se pripremi vijećnik Rastoder. Izvolite.

ANEL IBELJIĆ – vijećnik Socijaldemokratske partije

Hvala predsjedavajuća. Sve vas srdačno pozdravljam. Evo ja ću se kratko samo nadovezati na izlaganje, ovaj, na diskusiju kolege Senada Mehmedinovića koji u cjelosti podržavam i koji se pridružujem. Drago mi je što imamo ovakav jedan vid građanskog aktivizma, da su građani prepoznali način i mogućnost da se direktno uključe u proces donošenja odluka koje su od značaja, prije svega za njih, kao mjesnu zajednicu, ali svakako i za cijeli grad Tuzlu.

Vidimo da su saživjeli i zborovi građana, kao oblici neposrednog građanskog aktivizma. Svakako Klub SDP-a će podržati ovu građansku inicijativu i prdlažemo zaključak da se donese sljedeći:

Gradsko vijeće Tuzla sugerije nadležnoj gradskoj službi da su skladu sa tehničkim i drugim mogućnostima pripremi odluku o proširenju zone toplifikacije za cijelo područje naselja Plane koje pripada navedenoj mjesnoj zajednici.

Hvala.

NATAŠA PERIĆ

U redu. Hvala. Vijećnik Ćerim Rastoder. Izvolite.

ĆERIM RASTODER – samostalni vijećnik

Zahvaljujem predsjedavajuća, uvažene kolege i kolege. Ja sam u mjesecu julu ove godine nakon razgovora sa predsjednikom savjeta Mjesne zajednice Šićki, gospodinom Džinićem, koji je ovdje prisutan, bio pokrenuo upravo ovu inicijativu prema Centralnom grijanju. Odgovor sam dobio da trenutno ne može i tako dalje. Nakon toga, onaj, građani ove mjesne zajednice zajedno sa svojim članovima savjeta su odlučili da pokrenu ovu građansku inicijativu, koju ja takođe pozdravljam. I naravno da ću je podržat kao i moje kolege iz Kluba samostalnih vijećnika.

I želio bih samo napomenut ovdje, da je ovo Gradsko vijeće, u više navrata, mislim, raznoraznim odlukama donosilo zaključke da se Husino, Bukinja i Šićki Brod, te tri mjesne zajednice, kao privilegovane, znači, da se priključe na vrelovod.

Veoma mali broj objekata Šićkog i Bukinja je priključen. Ostali nisu. Mi ovdje, onaj, možemo nalaziti hiljadu razloga da nešto ne može. Al ako imamo vrelovod koji je prema Živinicama, koji ide prema Lukavcu, onda zaista ova inicijativa je, neophodno je podržati i smatram da trebamo raditi na proširenje što većeg dijela istočnih krajeva grada Tuzle.

Slažem se znači sa ovim inicijativama što je i Hasanbašić, odnosno sa zaključkom Hasanbašića i Ibeljića. Znači, da se vidi, da se proširi ta, da se proširi taj plan proširenja toplovoda na što veći broj mjesnih zajednica istočnog dijela grada Tuzle. Da ne idemo samo znači, mi ćemo toplificirati, naravno treba i Simin Han i Slavinoviće i Solinu, a zapostavljen je taj dio dole gdje se nalazi centar i rudarstva i Termoelektrane i svega onoga što najviše zagađuje taj dio dole građana koji žive. Tako da ću podržati inicijativu i smatram je znači isto tako veoma pozitivnim načinom razmišljanja, odnosno načinom, onaj, organizovanja građana i vjerovatno će ova inicijativa, onaj, (NATAŠA PERIĆ – Tišina), uticati na to da u narednom periodu i druge mjesne zajednice (NATAŠA PERIĆ – Mir) raspravljaju na ovaj način i upućuju inicijativu po pitanju problema koje ih muče. Toliko. Hvala.

NATAŠA PERIĆ

U redu, hvala.

Zaključujem raspravu klubova vijećnika.

Otvaram raspravu vijećnika. Neka se...Za riječ se javio vijećnik Mišković. Neka se pripremi vijećnik Jovanović.

MIREL MIŠKOVIĆ – samostalni vijećnik

Zahvaljujem, ovaj, predsjedavajuća. Sve vas pozdravljam. Evo na ovoj tački ja bih htio da podsjetim sve vijećnike koji su u ovom mandatu, da smo mi još davne 2011. godine donijeli odluku o potpunom toplicifiranju tri mjesne zajednice, znači, Bukinje, Šićki i Husino. Evo ja sam to vijećničko pitanje postavio prije tri mjeseca Službi za komunalne poslove zašto to nije urađeno? Na-ravno da nisam dobio odgovor. Evo i sad ih pitam ovdje javno u ovoj raspravi. I evo stvarno, mi smo kao Gradsko vijeće unazad 10 godina dobili od termoelektrane ovu naknadu. Usmjerali smo je ovamo-onamo, nebitno, ali sramota je da nismo toplicifirali ove tri mjesne zajednice. I evo, ja bi vo-lio da mi Služba za komunalne poslove odgovori zašto to nije urađeno? Vjerovatno će oni sad reći da nemaju ni projekta za to. Volio bi da mi daju tač-nu informaciju šta se s time dešava?

Mi smo...Zašto se ne...Na kraju volio bi da mi odgovore zašto se ne poštuju odluke Gradskog vijeća? Zašto se ne poštuju vijećnici i odluke Gradskog vijeća? Evo, toliko.

NATAŠA PERIĆ

U redu. Hvala. Sljedeći za riječ se javio vijećnik Jovanović. Neka se pripremi vijećnik Hirkić. (ZORAN JOVANOVIĆ – Hvala. Ne radi mi ovaj mikrofoni.) (MIREL MIŠKOVIĆ – Aha.) Samo nek neko isključi. Mirele?

ZORAN JOVANOVIĆ – samostalni vijećnik

Ehe, sad radi. Hvala predsjedavajuća. Pozdravljam sve kolegice i kolege, ostale prisutne na današnjoj sjednici Gradskog vijeća i evo pričamo o nečemu što, što bi trebalo biti normalno. Znači, ovo je isto ko kad imate izvor vode u svom dvorištu a neko piše pravila dal da možete pit il ne možete, a to je slučaj ovdje sa ovim mjesnim zajednicama, jer što kaže kolega Vidović Mjesna zajednica Šićki Brod kompletna, Husino, njima, njima je izvor toplotne energije u dvorištu, termoelektrana, a odža-ci su im iznad glave.

Imali smo mi razno-razne analize zdravstvenih ustanova u pogledu zdravlja građana u ove tri mjesne zajednice i tamo smo došli do zaključka, nekad u moje vrijeme, da je povećan broj karcinoma, plućnih oboljenja i to, to, to i evo dobili smo i tu naknadu famoznu koja po meni nije adekvatna šteti koju nanosi gradu Tuzla i Tuzlanskom kantonu od Elektroprivrede BiH i mislim da je suvišna svaka rasprava. Ovdje treba krenut u realizaciju ovih inicijative. Ja predlažem da se odredi ro-k. Da ovo ne ostane mrvo slovo na papiru, raspravljalo Vijeće, nema roka, a mi nećemo ništa. Ro-k za implementaciju ove inicijative.

Ali imamo mi i dio mjesne zajednice Šićki Brod Šići. I to je veliko naselje. I ono je zatrovano. Znači, ove mjesne zajednice koje su u...koje se graniče i na čijoj teritoriji Termoelektrana Tuzla i da se odredi rok za izradu dokumentacije i rok za početak radova. Mi smo sav akcent dali prema gradu. Okej, u redu je. Al hajmo jedan dio onih sredstava uputit u ove mjesne zajednice i da zadovoljimo građane i ovog područja koje je inače napušteno i zapušteno. Hvala.

NATAŠA PERIĆ

U redu, hvala. Sljedeći za riječ se javio vijećnik Hirkić. Neka se pripremi vijećnik Husić.

HASIB HIRKIĆ – samostalni vijećnik

Evo i ja ću da pozdravim sve prisutne i zahvaljujem predsjedavajuća. U suštini evo ono što sam ja prije htjeo da kažem već su pomenule. Ovo se radi o mjesnim zajednica-ma koje su dobila spe...dobile specijalan status, a svaka mjesna zajednica zna površinski a i po podružnicama šta im pripada.

Da ne bismo dolazili u situaciju da u narednom nekom periodu ponovo neka od mjesnih zajednica za neke podružnice svoje piše ovakvo, znači, samo da se evo i, i, i zaključi, znači, znamo šta je donešeno za te tri mjesne zajednice i da te mjesne zajednice pripadaju ovom specijalnom statusu i da se više o tome ne bi ni raspravljalo u budućnosti. Eto, hvala.

NATAŠA PERIĆ

U redu, hvala. Vijećnik Husić. Izvolite.

ŠEFIK HUSIĆ – samostalni vijećnik

Ja bih takođe evo da, onaj, obzirom na sve ove diskusije da izvedemo zaključak iz ovoga, onaj, i da cijelo ovo područje...Jer u sklopu Mjesne zajednice Šićki su i Šići i ova cijela dole...cijeli taj potez znači, od petlje prema, prema Dobrnji, onaj, i da to bude zaključak i ovo što je kolega, onaj, Zoran rekao da definišemo nekakve rokove.

Otprilike znamo mi svi da to ne može bit ni, ni sutra, ni za godinu, al evo da bar okvirno ovaj sastav Gradskog vijeća, onaj, izdefiniše i da kao zaključak danas iznesemo, znači, da cijelo to područje, onaj, i, i da damo saglasnost da bude, onaj, toplicifiran. Hvala.

NATAŠA PERIĆ

U redu, hvala.

Zaključujem raspravu vijećnika. Zamolit ću kole...Molim? (vijećnik Alen Kapidžić govori bez uključenog mikrofona op.a.) Pa haj. Niste se javili. Nisam vidjela. (vijećnik Alen Kapidžić govori bez uključenog mikrofona op.a.) Vijećnik Kapidžić. Izvolite.

ALEN KAPIDŽIĆ

Hvala. Pa ja se slažem s ovom inicijativom i ovo je kao što je kolega Mirel rekao već, mi smo u prethodnom mandatu, ovaj, donijeli odluku da se za ove tri mjesne zajednice, ovaj, i u suštini sve besplatno i podstanice i dovođenje te mreže do objekta, do ulaza u objekat faktički, ovaj, čak smo i za ostalih, ostale mjesne zajednice koje nisu bile obuhvaćene striktno ovom odlukom donijeli da je od...Jer imate dva načina uvođenja te, grijanja je li. Za jedan način je definisano da čak u svim mjesnim zajednicama ide besplatno do objekta. Ovdje...I ovo sigurno da treba podržat. Nije da treba. Mi ovo moramo podržat zato što su građani iz tih mjesnih zajednica skupili potpise i to je bespredmetno o tome raspravljati hoćemol podržat il nećemo. Moramo ovo, ovo ćemo podržat svakako.

Ali ono što je ključni problem, što je ključni problem ovdje i što će se i desit. Znači, prvo što trebamo uraditi jest da proširimo ove zone toplifikacije. Znači, prvo to trebamo uradit. A či-m to bude, vjerujte da ima i u ostalim mjesnim zajednicama, onaj, za-htjeva građana koji ni-su obuhvaćeni ovim zonama toplifikacije. I prva stvar koju trebamo uradit je to.

A druga stvar. Ovdje u obrazloženju, obrazloženju u odgovoru na građansku inicijativu kaže se: Ključni uslov za proširenje ovog dokumenta, to jeste zona toplifikacije je rekonstrukcija magistralnog vrelovoda.

Za ove inicijative sve moramo poredat stvari po redu. Znači, prvo proširenje, i da vidimo, proširenje zona toplifikacije, i da vidimo šta ćemo sa ovog magistralnog vrelovoda? To je uslov. Jer će bit zahtjeva. Ja ću prvi dati zahtjev kad budemo proširivali zone toplifikacije za svoju mjesnu zajednicu visinske zone. Ljudi traže grijanje ne mogu da dobiju. Ja ću prvi imat zahtjev. I ne samo ja, vjerovatno većina vijećnika. Hvala.

NATAŠA PERIĆ

U redu, hvala. Zaključujem raspravu vijećnika.

Zamoliti ću kolegu...Ne. Samo da odgovori prvo na pitanje kolega Mulać iz Službe za komunalne poslove kolegi Miškoviću. Imali ste neko pitanje, pa evo samo da odgovori, a onda ću gospodina iz Mjesne zajednice Šićki Brod zamoliti, pa ćemo napraviti pauzu.

MIRALEM MULAĆ – pomoćnik gradonačelnika za Službu za komunalne poslove, izgradnju i poslove mjesnih zajednica

Ovako. Dobar dan svima. (NATAŠA PERIĆ – Molim vas tišina.) Ja vas srdačno pozdravljam. Evo moram reći da Služba za komunalne poslove, evo u nekom sada periodu je obavila dosta razgovora sa predstavnicima mjesnih zajednica po pitanju priključenja na sistem daljinskog grijanja. Imali smo predstavnike Mjesne zajednice Bukinje, Šićki Brod itd. I čak Mjesne zajednice Husino. Znači ove mjesne zajednice ko-je su u okruženju termoelektrane.

Moram reći da smo mi kao nadležna služba prije ove konačne inicijative koja je došla ovde i mi nju stvarno i podržavamo i evo i kroz ovaj dokument smo to i dali. Dali smo nalog Javnom preduzeću „Centralno grijanje“ da napravi zone proširenja toplifikacije za uslovno rečeno ovaj zapadni dio grada. To je jedna faza, i bit će sledeća faza i ostali dijelovi grada.

Šta hoću da kažem? Zadnja, zadnji dokument proširenja toplifikacije bio je 2019. godine gdje je ukupan broj zona toplifikacije 55. Znači, trenutno se radi...Malo je možda čudan termin navedeno draft verzija, odnosno to je priprema nacрта, nacрта, ovaj, zona proširenja toplifikacije na području grada Tuzle. Već se grafički to dobro pripremilo. Obuhvaćeno je 8 novih zona toplifikacije koji, koji idu, tako da će on biti kao jedan dokument. Evo, nadam se možda već i za iduću sjednicu Gradskog vijeća pripremljen kao dokument za usvajanja ovih zona proširenja toplifikacije. Mi ćemo ih nazvat prva faza, prva faza, jer se radi više o zapadnom dijelu, dijelu grada.

I evo, već je rečeno u nekim detaljima, a ovdje je navedeno i u odgovoru, da mi za ove zone toplifikacije...Naravno da je to jedan dokument koji treba usvojiti, grafički je odraditi. Evo predstavnici Centralnog grijanja su konstantno na terenu, provjeravaju tehničke, tehničke detalje, ali i jedan od bitnih uslova je rekonstrukcija ovog magistralnog vrelovoda koji ide naredne godine. Znači, mi idemo u realizaciju, velika je investicija. Najvjerovatnije ćemo morati i kreditna sredstva dijelom da obezbjedimo kako bi realizovali ovaj, ovu rekonstrukciju vrelovoda. Mi naravno želimo, želimo što više da to proširimo i naravno u sistemu smanjenja, smanjenja aero, aerzagadenja.

Moram reći, evo vršili smo određene analize, analize u Mjesnim zajednicama Bukinje, Šićki Brod koliko je Grad Tuzla i evo zajedno s vama i sa odlukama svim uložio, uložio u ove mjesne zajednice. Naravno to je, to je prema, prema veličini problema naravno malo, ali evo svake godine preko Službe za komunalne poslove preko milion i po maraka ulažemo na priključke, priključke vezano za priključke individualnih objekata u ove, u ove tri mjesne zajednice, da ne spominjemo korištenje tih sredstava termoelektrane koje se konstatno smanjuje. Evo juče smo dobili presjek. Dosad smo dobijali četiri i po miliona maraka, e i sada svakog mjeseca nama termoelektrana uplaćuje i prema...trenutno su do spetembra uplatili dva

i po miliona maraka. Mi očekujemo, da li će preć tri miliona do kraja godine, znači, konstantno je. Čak upućujemo inicijativu prema Federaciji, odnosno parlamentarnoj, domu Parlamentarne skupštine Federacije i Domu naroda Federacije da se poveća naknada ovog preduzeća gdje je u pitanju rad termoelektrana. Trenutno se izdvaja 0,0015 KM po kilovatu proizvedene električne energije, a za hidroelektrane 0,01, a mi termoelektrani imamo zagađenje zraka i plus detalj što je naveden za hidroelektrane da je trajno uništeno zemljište potapanjem, potapanjem vodom akumulacijom. Mi imamo i taj aspekt, potapanjem zemljišta trajno uništavanje sa ovim deponijama, odnosno šljacištem. I kad smo uporedili veličine, veličine površine šljacišta naših na području grada Tuzle to je slično površinama tri hidroelektrane na rijeci Neretvi, evo i „Jablanica“, „Salakovac“ i ova „Grabovica“. (NATAŠA PERIĆ – U redu.)

Znači, mi smo sad ovu uputili inicijativu ba-r da nam prihvate povećanje to na 0,060 i opet smo jedan i po puta manje određenih sredstava u odnosu na rad, rad, ovaj, ovih hidro, hidroelektrana.

Naravno, i pored toga mi smo izvršili analize vjerujte. Evo čak postoje...Dali smo isto nalog Centralnom grijanju da u na...u naselju Hudeč...Mi imamo određen broj objekata gdje je nama jeftinije kao, kao Gradu, kao, kao Gradskoj upravi i evo i Gradskom vijeću da te objekte toplificiramo toplotnim pumpama, čak da i Grad kompletno to isfinansira u 100 postom smislu koliko će taj sekundarni vod koštati.

Ali evo, znači, mi idemo u fazu, u fazu širenja sistema toplifikacije. Vrlo brzo će doći taj na, na (NATAŠA PERIĆ – Sjednicu.) sjednicu Gradskog vijeća. Uslov je rekonstrukcija gla...jedan od glavnih uslova. Negdje se možemo o određenim segmentima pokriti i sa sadašnjim kapacitetima sa rekonstrukcijom ovog vrelovoda, koji će započeti iduće godine. (NATAŠA PERIĆ - U redu. Hvala vam.) Evo, to je to otprilike. Ako ima još pitanja?

NATAŠA PERIĆ

Nema pitanja. Zaključili smo raspravu. (vijećnik Mirel Mišković govori bez uključenog mikrofona op.a.) Ne možete. (MIREL MIŠKOVIĆ – Poslovnička. Ja se izvinjavam.) Recite.

MIREL MIŠKOVIĆ

Moje pitanje je bilo tačno, precizno, koncizno. Ja na njega nisam dobio odgovor. Evo samo to da uđe. (NATAŠA PERIĆ – Koje pitanje de samo recite? Ponovite pitanje.)

Zašto nije provedena odluka Gradskog vijeća iz 2011. godine da se toplificiraju kompletne tri mjesne zajednice?

Ja vjerujem da vi nemate poslje 12 godina ni projekat toplificiranja. Evo, da mi odgovorite na to.

MIRALEM MULAĆ – pomoćnik gradonačelnika za Službu za komunalne poslove, izgradnju i poslove mjesnih zajednica

Generalno, ovaj, ušlo se u zonu toplifikacije dvije, 2019-te, širenje. Radi se projektna dokumentacija.

Znači, ovo sad što radimo, znači dio mjesne zajednice takva je odluka donešena u to vrijeme, znači date su grafičke granice zone toplifikacije i mi njih ne možemo mijenjati bez saglasnosti (NATAŠA PERIĆ – Dobro. U redu. Hvala vam.) Vijeća, a...

NATAŠA PERIĆ

Nemojte sad, ovaj, molim vas. Ja sam zaključila raspravu. Vi ste slobodni.

Zaključila sam raspravu vijećnika. Nemojte da kršimo Poslovnik. Kad se zaključi rasprava vijećnika nema više dodatnih pitanja. Vi se skoncentrišite u toku rasprave šta ćete pitat nadležne službe i...

Dajem pa...Sad ću samo zamolit gospodina ispred Mjesne zajednice Šićki Brod. Predsjednika pretpostavljam Savjeta Mjesne zajednice, dobila sam informaciju Nihad Džinić izvolite evo da nam se obratite i nakon toga dajem pauzu prije nego što glasamo o zaključcima koji su proistekli. Izvolite.

NIHAD DŽINIĆ – predsjednik Savjeta Mjesne zajednice Šićki Brod

Poštovana predsjedavajuća ja bi se zahvalio na ukazanoj prilici da se obratim Gradskim vijećnicima.

Poštovani Gradski vijećnici ja ću vam izuzetno kratko ovdje, ovaj, neću vas, uzimati vam vrijeme. Znači ovdje, znači, građanska inicijativa građana znači, Mjesne zajednice Šićki Brod je podnjeta znači, samo s jednim ciljem, znači, da danas vi ovdje donesete odluku znači, koja je obavezujuća, a ne neke zaključke koji po mojem saznanju nisu obavezujući. Znači, o proširenju zone toplifikacije na naselje Plane. Znači, znači i ništa više. Znači, to je prvi korak, to je prvi korak u našoj borbi da dobijemo znači, sistem daljinskog grijanja. Znači, naredni korak je izrada projektne dokumentacije koja znači, po, po informacijama iz Centralnog grijanja koja je malte ne već u toku.

Znači, izrada projektne dokumentacije je neophodna. Znači, da mi preko Gradskih insitucija i Službi apliciramo na Kantonalna grant sredstva koja se izdvajaju iz ekološke takse za ovaj projekat. Da apliciramo na Federalna sredstva i da apliciramo na sredstva iz Evropskih fondova. Znači, ovdje naša namjera je znači, ako je moguće znači, da ovaj kompletan projekat bude isfinansiran sa što manjim dijelom iz Gradskog proračuna. Znači, znači, kantonalna sredstva, federalna sredstva i druga sredstva.

Znači, ovdje da bi vam olakšao ja vašu odluku ja ću vam reći jednu informaciju. Naselje Šićki Brod je toplificirano znači, ne sa ovog vrelovoda koji se u dopisu znači, Centralnog grijanja spominje rekonstrukcija znači, termoelektrana znači, prema komori jedan koja se nalazi u blizini Tehnološkog fakulteta. Znači, naselje Šićki Brod koji je već toplificira se, toplificira sa magistralnog cjevovoda koji ide od termoelektrane prema gradu Lukavcu gdje je grad Tuzla vlasnik 20% tog vrelovoda, a znači, termoelektrana tj. Elektroprivreda je vlasnik ostalih 80% vrelovoda.

Znači, ja ću vam skrenut pažnju. Kada Tuzla, znači, kompletan grad zbog kvara na, na, na vrelovodu koji ide prema gradu Tuzli ne-ma, ovaj, nema grijanje, znači, tad jedan dio grada Tuzle ima grijanje. To je naselje mje...znači, toplificiran dio mjesne zajednice Šićki Brod koji se napaja sa vrelovoda znači, vrelovoda koji ide prema gradu lukavcu.

Mi sa rekonstrukcijom ovog vrelovoda hajde da kažem znači...(NATAŠA PERIĆ – Nemojte dobacivat.) Pa bukvalno napajanje, napajanje znači, naše mjesne zajednice znači, i ovog ostalog dijela će ić sa tog vrelovoda koji ide prema gradu Lukavcu. Znači, znači (NATAŠA PERIĆ – Nemojte dobacivat molim vas.) ja se zahvaljujem vama svima znači, i vidim da će ovdje bit malte ne 100% podrška ovoj našoj znači, građanskoj inicijativi da danas vi donesete odluku o proširenju ove zone toplifikacije na naselje Plane. I reću 4000 ljudi znači, danas čekaju vašu odluku. Ništa. Hvala vam puno.

NATAŠA PERIĆ

Vidite nešto ja samo radi javnosti. Izmjenu plana širenja toplifikacije donosi Nadzorni odbor „Centralnog grijanja“. Gradsko vijeće Tuzla ne može donijeti nikakvu odluku bez predlagača koji priprema odluku. Znači, mi danas dono...Mi smo danas konstatujemo samo vašu inicijativu i imamo ove zaključke i nije tačno da oni nisu obavezujući. Oni će svakako ući u razmatranje kada se bude odluka donosila. Tako da znate zbog javnosti.

Sada dajem pauzu od 10 minuta. (Pauza.)

Molim vijećnike da uđu u salu.

Molim vijećnike da zauzmu svoja mjesta.

Nastavljamo sa radom.

Konstatujem da je Gradsko vijeće Tuzla razmotrilo građansku inicijativu građana Mjesne zajednice Šićki Brod vezano za proširenje zone toplifikacije za cijelo područje naselja Plane koje pripada navedenoj mjesnoj zajednici.

Molim sekretara da pročita zaključke. Možete u paketu pa da glasamo.

SLAĐANA KRAJINA – sekretar Gradskog vijeća Tuzla

1. Gradsko vijeće Tuzla u potpunosti podržava Građansku inicijativu građana Mjesne zajednice Šićki Brod za donošenje odluke o proširenju zone toplifikacije za cijelo područje naselja Plane koje pripada navedenoj Mjesnoj zajednici te sugerise nadležnoj službi i Centralnom grijanju dd Tuzla da se, čim se steknu tehničke pretpostavke i uslovi, zona toplifikacije proširi na cijelo područje naselja Plane koje pripada Mjesnoj zajednici Šićki Brod.

2. Gradsko vijeće Tuzla sugerise da se razmotri mogućnost proširenja zone toplifikacije i na naselja Donji Hudeč, Gornji Hudeč, Krtolije, Rapače, Šići odnosno da se poduzmu sve potrebne mjere i aktivnosti da se zona toplifikacije proširi na cijelo područje tri mjesne zajednice (Šićki Brod, Bukinje i Husino) na čijem se području nalazi odnosno koje se graniče sa Termoelektranom Tuzla.

3. Gradsko vijeće Tuzla sugerise Centralnom grijanju dd Tuzla da se na web stranici ovog preduzeća objavi, ukoliko već nije, dokument sa postojećim zonama toplifikacije sistema daljinskog grijanja grada Tuzle kao i Plan proširenja postojećih zona toplifikacije.

NATAŠA PERIĆ

Molim vijećnike da se izjasne o pročitanim zaključcima. Nemojte dobacivat Hirkiću. Glasanje je okončano. Konstatujem da su pro...Molim vas malo tišine.

Konstatujem da je pročitana...da su pročitani zaključci usvojeni sa, 27 glasova za, nije bilo protiv i nije bilo suzdržanih.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Prelazimo na tačku sedam:

**RAZMATRANJE INFORMACIJE O AKTIVNOSTIMA NA ANIMIRANJU
GRAĐANA I ORGANIZOVANJU AKCIJA DOBROVOLJNOG DARIVANJA KRVI
NA PODRUČJU GRADA TUZLA ZA PERIOD JANUAR-JUNI 2023. GODINE**

Obrađivač: Crveni križ Grada Tuzla.

Materijal su razmatrali: Komisija za mlade, obrazovanje i sport i klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji komisija? (Nema.)

Otvaram raspravu klubova vijećnika. Vijećnik Elvir Bijedić ispred Kluba SDP-a. Neka se pripremi Selma Čatibušić.

ELVIR BIJEDIĆ

Zahvaljujem. Dakle, i kao zdravstveni radnik i kao Gradski vijećnik a i dobrovoljni davalac smatram ovu tačku i ovu informaciju Crvenog križa Grada Tuzle izuzetno bitnom jer dakle, nikad nije dovoljno prestati govoriti o ovoj izuzetno bitnoj temi. Dakle, krv je lijek i potpuno je kao takav nezamjenljiv i svakodnevno potreban dakle, ljudima i kao terapija a i svjedoci smo sve češćih, nažalost, incidentnih situacija saobraćajnih nesreća i apela po društvenim mrežama, jer možda i nismo svjesni situacije s kojima se susreću svakodnevno ljudi koji rade, zdravstveni radnici koji rade, ovaj, na Kliničkom centru Univerziteta u Tuzli.

Dakle, prije godinu dana smo imali informaciju i koliko vidim iz ove informacije sadašnje od ove godine, ništa se tu praktički nije, ovaj, apsolutno se ništa...nismo se pomjerali s mrtve tačke izuzev zahvalnice koju je Grad, Crveni križ Grada Tuzle dodijelio Behram-begovoj medresi, dakle, to je jedan od zaključaka koji je ispoštovan. Ovo ostalo apsolutno dakle, i po broju, ovaj, dobrovoljnih davalaca krvi i po bilo kakvom zaključku i našem zahtjevu vidimo po izvještaju Crvenog križa Grada Tuzle da se ništa apsolutno nije uradilo.

Dakle, ja ne-ću puno dužiti. Ja bih samo da urgiram dakle, da se sprovedu zaključci i evo kako na prošloj, sa prošloj informacije, odnosno prošlogodišnje sjednice tako i sa ove. Mislim da će biti sasvim dovoljno da se usvoje i da ih ponovo uputimo i da se sprovedu kako bi sve ono što bi trebali da zaokružimo u ovoj priči bilo kako treba.

Dakle, ono što bi po-sebno naglasio jeste, a da izlazi van okvira ovih prethodnih zaključaka jeste, ovaj, da tražimo od našeg Javnog komunalnog preduzeća „Panonika“ dakle, i Javne ustanove „Narodno pozorište“ da odgovore na zahtjev Crvenog križa Grada Tuzle, a kad su u pitanju besplatne karte dnevne za ulaznice za Panoniku i za pozorište za predstave koje se odigravaju u Narodnom pozorištu. Dakle, da odgovore da li su u mogućnosti da dadnu besplate karte dobrovoljnim davaocima krvi i ukoliko ni-su u mogućnosti da obrazlože razloge zbog čega to nisu? Dakle, potrebno je ljudima ako ništa bar odgovoriti.

A kad su u pitanju zaključci dakle, prijedlozi zaključaka su još sa prošle godine bili vrlo konkretni kad smo i vrlo smo ih konkretno usvojili na ovom Gradskom vijeću, a tiču se dakle, inicijative za izmjene i dopune Zakona o zdravstvenoj zaštiti i Zakona o socijalnom osiguranju. Dakle, da se davaocima krvi koji su darovali krv 50 i više puta obezbjede besplatni lijekovi. Dakle, da se za višestruke davaoce krvi obezbjedi status prioriternih ljekarskih pregleda u Javnoj zdravstvenoj nastavnoj ustanovi Dom zdravlja. Da svi vijećnici u ovom Gradskom vijeću koji su zdravstveno sposobni postanu dio kolektivnog darivanja krvi i da se u skladu sa

procedurama Gradskog vijeće pokrene inicijativa u kojem će se u čast dobrovoljnih davalaca krvi u gradu Tuzla jedna ulica zvati ulica Dobrovoljnih darivalaca krvi.

Takođe još uvijek nisam siguran i po izvještaju, odnosno informaciji koju imamo iz Gradskog Crvenog križa da poslodavci nisu baš spremni na motivirajući momenat davanja slobodnih dana dobrovoljnim davaocima krvi, pa evo još jednom da apelujemo dakle, da kako u javnim ustanovama tako i u privatnim preduzećima poslodavci stimulišu svoje uposlenike koji su dobrovoljni davaoci krvi u smislu odobravanja minimalno dva ili više slobodnih dana za jedno darivanje krvi.

Dakle, također apelujemo, ponovo urgiramo na zaključak da Gradsko vijeće Tuzla sugeriše sportskim udruženjima da se uključe u akcije dobrovoljnog davanja krvi.

Dakle, zaista mi je bio cilj da još jednom skrenem pažnju na izuzetan bitan, bitnu informaciju jer, ovaj, dok se, dok nekom ne zatreba zaista mislim da da nismo svjesni ozbiljnosti situacije. Toliko, hvala.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem se. Sljedeća za riječ se javila vijećnica Selma Čatibušić ispred Kluba Platforme za progres.

SELMA ČATIBUŠIĆ

Evo ovako. Prvenstveno podržavam sve ono što je rekao kolega Bijedić. Sa druge strane posljednja njegova rečenica je zaista, zaista ima smisla. Nažalost svjedoci smo da evo posljednjih pa sedam dana, zapravo posljednjih možda pet dana nažalost na našim ulicama dešavaju se stravične nezgode i eto iako, ne znam, vrlo često se desi i da su stanovnici ljuti obzirom da ni sami vozači se svakako ne pridržavaju pravila i vrlo često izazovu takve nesreće, ali nažalost svi smo tu da pomognemo jedni drugima i vrlo često i usljed takvih nesreća potrebno je da, da se ljudima je li nađe krv ukoliko oni, ukoliko im od toga ovisi život i sl., tako da bih ja ponovila ipak svoju inicijativu sa prethodne sjednice na kojoj se govorilo zapravo o dobrovoljnom darivanju krvi.

Razgovarala sam ja sa direktorom i direktor je rekao da je jako teško naći mehanizam kako će se napraviti te kartice, da li će se zloupotrebljavat i sl. Međutim ono što je činjenica jest da meni ljudi svakodnevno pi-šu o tome, traže da se ta inicijativa zapravo realizira, a to je inicijativa da dobrovoljni davaoci krvi koji su dali krv više od 20 puta dobiju karticu za besplatno parkiranje u našem gradu.

Ja smatram da Javno preduzeće „Saobraćaj i komunikacije“ to može ostvariti. Mislim da je dovoljno samo da se na neki način ti ljudi jave u preduzeće, da dobiju određenu karticu i na njihovo ime i da tu karticu drže u svo, svom automobilu. Sad da li će se to zloupotrebljavat i da li će neko dati tu karticu nekome to na neki način i nije važ-no jer to se radi samo za jedna kartica jedan čovjek.

Tako da evo sugerišem, odnosno predlažem zaključak: Gradsko vijeće podržat će inicijativu da se dobrovoljnim davaocima krvi koji su dali krv više od 20 puta od strane Javnog preduzeća „Saobraćaj i komunikacije“ obezbjedi besplatan parking, barem tamo gdje su parking mjesta u nadležnosti Grada Tuzle. Hvala.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem. S obzirom da smo iscrpili raspravu klubova vijećnika.

Otvaram raspravu vijećnika. Za riječ se javio vijećnik Šefik Husić. Neka se pripremi vijećnik Zoran Jovanović.

ŠEFIK HUSIĆ

Ja se lažem također sa, onaj, izlaganjem kolege Bijedića, međutim ne slažem se u jednom. Jedan od najhumanijih činova čovjeka je znači darivanje krvi. Objektivno postoji problem i tendencija pa-da, znači, postojanja darivaoca je u posljednjih 10 godina jako primjetna i mislim za otprilike 40% da je umanjena na period od prije 10 godina. A obzirom kakva je naša svijest znači, i u narednom periodu možemo očekivat taj pad.

Ono što bi ja predložio da evo mi kao Gradsko vijeće pokažemo primjer, onaj, i možemo evo već pred narednu sjednicu Vijeća organizovat, svako onaj ko nije darivao, ko ima volju, evo iz ovog saziva da daruje, organizovat ćemo u Gradskoj vijećnici znači, na terenu, onaj, darivanje krvi i može bit znači, pozitivan primjer na kraju krajeva i za cijelo građanstvo.

A opet ću ponoviti znači, ne slažem se s tim da svi ovi ustupci znači, darivaoci krvi imaju prednost bar što se tiče kliničkog centra znači, apsolutno imaju prednost, onaj, u odnosu nakon boračke populacije, invalida u odnosu na druge kategorije. Ovo besplatno parkiranje i sve ostalo mislim da je to, onaj, samo kupovanje.

A opet ću naglasiti da je darivanje krvi humani čin čovjeka, jedan od najhumanijih činova, onaj, i evo možemo zaključak donjet znači, oni svi koji su voljni samo da nas obavjeste evo nekoliko dana prije da možemo, onaj, organizovati i možemo ovdje u Gradskoj vijećnici. Hvala.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Evo samo sekundu. Selma Ćatibušić replika je li? (NATAŠA PERIĆ – Ne, ne. Ispravka krivog navoda ima prednost.) Ispravka krivog navoda Elvir Bijedić, pa Selma Ćatibušić replika.

ELVIR BIJEDIĆ

Zahvaljujem. Dakle, da ne bi ostalo samo u zraku dakle, mi smo 15.09.2022. godine zaključkom smo podržali prijedlog mijera Crvenog križa Grada Tuzle u kojem stoji pod dva: Da se za višestruke davaoce krvi obezbijedi status prioriternih ljekarskih pregleda u Javno zdravstveno nastavnoj ustanovi Dom zdravlja doktor „Mustafa Šehović“ u Tuzli. Dakle, samo urgiramo na taj zahtjev. Ništa novo nisam rekao dakle, osim da se ponovo urgiraju zahtjevi koje smo imali na pro...na osnovu od prošlogodišnje informacije Hvala.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem se. Replika. Selma Ćatibušić.

SELMA ĆATIBUŠIĆ

Replika kolegi Husiću. Ja razumijem šta je on u jednom dijelu htio da kaže, da ukoliko neko se odluči na ovakav humani čin to treba da radi iz srca i eventualno je nesporna činjenica da onaj ko se odlučio darovati krv sigurno neće sad, ukoliko nikada nije darovao krv da daruje 20 puta krv da bi dobio besplatan parking.

Iz svega ovog smatram da ono što se kaže volonterski rad nije... Volonterski rad zapravo nije besplatan, nego je on neprocjenjiv. Samo zato što je neko volonter konkretno ne mora da znači da treba da besplatno obavlja određene poslove, nego da u zajednici a na neki način oda počast ili određenu beneficiju zato što doprinosi svojoj zajednici na neki human i dobar način. Tako isto i dobrovoljni davaoci krvi. Onaj ko je se odlučio darovati krv on će nastaviti to raditi sa tim parkingom ili bez tog parkinga tj. bez te kartice, to je činjenica, ali isto tako smatram da zbog čega jedna zajednica poput Tuzle ne bi to znala na neki način simbolično i nagraditi. Eto.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Dobro. Sljedeći za riječ se javio vijećnik Zoran Jovanović. Neka se pripremi vijećnik Nedžad Jusić.

ZORAN JOVANOVIĆ

Hvala dopredsjedavajuća. Pa evo pričamo o tečnosti koja nema vrijednost, neprocjenjive vrijednosti, tečnost koja spašava živote. I sad ovdje za velika djela običnih ljudi mi pričamo o beneficijama. Te beneficije su tako male u odnosu na ovo djelo kad date krv. Ja sam dobrovoljni davalac krvi, dao sam nekoliko puta do sad i mislim da sve ovo što predlažu vijećnici, ove beneficije parkinga, ovo-ono, to je ja-ko malo u odnosu...i to, to je vid zahvalnosti i da se, da dobrovoljni davaoci krvi osjećaju cijenjeni i i nagrađeni od strane zajednice kojoj daju krv i mislim da u ovom pravcu...mislim da je ovdje tema aktivnost na animiranju građana, jel ovdje je problem kako animirat građane. Mi treba da zahvalimo...Vidte bolnica je javna ustanova. Inače strukture vlasti su jako spore što se tiče, što se tiče nekih nastupa. Sve je ograničeno nekim zakonima, al na svu sreću imamo Gradski Crveni križ Tuzle koji je aktivan. Barem ja ono što znam. Pokušavaju, nastoje, trče, promoviraju. Međutim, opet tu imate sklop okolnosti koje, koje usporavaju broj dobrovoljnih davalaca krvi. Vidte, zakonske kaže procedure. Nekad u moje vrijeme ko da krv nije se pito poslodavac o slobodnim danima, propisano zakonom. Mislim da trebamo ići u nekom pravcu sa inicijativom za izmjene zakonskih propisa i onaj ko da krv u zakon da se ugradi da, da mu poslodavac mo-ra odobrit i isplatit ta dva, il tri, il jedan dan radni koji odsustvuje sa, sa rada.

I ovo u pravu su, podržavam ovaj prijedlog Kluba SDP-a ja mislim, da trebamo u znak zahvalnosti svi-m dobrovoljnim davaocima krvi i onim kojih više nema i onih trenutnih i onih u ubuduće da da-mo jednu ulicu u gradu Tuzla...Dali smo naziva ulicama ja ne znam ni ko su ti ljudi, ni...nemam pojma za neke. Ulica Dobrovoljnih davalac krvi grada Tuzle. Ne, to nas ne košta ništa, to je jedna odluka ovog Vi-jeća. Prijedlog Komisije za nazive ulica, al ćemo se na jedan uopšten način znači, zahvalit ljudima i stimulisat možda i neke druge i oni će nać svoje ime tu iako ne piše Jovanović Zoran ali i ja ću se naći u tom nazivu te ulice.

I mislim da trebamo dat punu podršku Crvenom križu Grada Tuzle ne samo ovu, ovaj, kroz ove priče, već omogući-ti im na svaki način da, da kroz finansiranje, kroz obezbjeđenje prostora, kroz, kroz sve aktivnosti koje oni predlože da, da, da, ovaj, povećamo broj dobrovoljnih davalaca krvi u gradu Tuzla. Nažalost onaj, krv ide, u stvari hajde nije nažalost, ovaj, kliničkom centru, gore se to pohranjuje, al imaju građani cjelog kantona pa i Tuzle korist od, od tog davanja krvi. Mislim da u tom pravcu trebamo ić.

Da bude zaključak da obavežemo Komisiju za na-zive ulica, da nam predloži jednu ulicu i da Gradsko vijeće donese odluku da se toj ulici dodijeli na-ziv Dobrovoljni davaoci krvi grada Tuzle.

NATAŠA PERIĆ

Ja se izvinjavam samo da kažem. Znači, mora se prvo promijeniti Pravilnik o kriterijima o dodjeli naziva ulica gdje bi tu stajalo ovo sad...(ZORAN JOVANOVIĆ – Pa, pa mi ćemo promijeniti.) (ANA PEJIĆ – Ima u zaključku.) Jel ima u zaključku? Al ne hoću da kažem ne može direktno na...(ZORAN JOVANOVIĆ – Pa evo mi ćemo promijenit.) Pa dobro. (ZORAN JOVANOVIĆ – Mi, mi donosimo kriterije.) Pa jeste. (ANA PEJIĆ – Ima u zaključku evo.) Pa ima.

ANA PEJIĆ – zamjenik predsjedavajućeg Gradskog vijeća Tuzla, - vijećnik Socijaldemokratske partije

Zahvaljujem se. Sljedeći za riječ se javio vijećnik Nedžad Jusić. Neka se pripremi vijećnik Anel Ibeljić.

NEDŽAD JUSIĆ

Poštovana predsjedavajuća i kolege i kolegice evo imamo INFORMACIJU O AKTIVNOSTIMA NA ANIMIRANJU GRAĐANA I ORGANIZOVANJU AKCIJE DOBROVOLJNOG DAVANJA KRVI NA PODRUČJU GRADA TUZLA ZA PERIOD JANUAR-JUNI 2023. GODINE.

Ovu priliku bi iskoristio da pozdravim sekretara gospodina-druga Seada Hasića koji je danas s nama ovdje i vidim da je ova informacija izuzetno kvalitetna, kvalitetno urađena i mi ovdje imamo ono šta je urađeno, odnosno s nekim zaključkom da pokušamo da vidimo šta bi mogli uraditi u narednom periodu.

Ja koliko sam uspio da pogledam ovu informaciju, ovdje imamo i te kako dobre podatke koji nam mogu poslužiti šta u stvari u na-rednom periodu raditi. Malo-prije sam sa kolegicom razgovarao vezano o ovoj informaciji. Mislim da se nitko nije dotakao, ali imamo zabrinjavajuće stanje u gradu Tuzla vezano za naredni period tko će nam u stvari moći biti davalac krvi za one ugrožene, odnosno kojima je potrebna ta tekućina.

Ako pogledamo tabelu vezano za prikupljanje krvi u srednjim školama na području grada Tuzle juni, januar-juni 2023. godine vidimo da imamo dobru volju i želju mladih ljudi da darivaju krv onima kojima je najpotrebnija, ali nažalost od 211 učenika, mladih ljudi koji su željeli da danu, da darivaju krv onima kome treba, 118 njih nije moglo, nije moglo da da pomenutu krv. I stvarno se postavlja pitanje šta ćemo u narednom periodu? Jel mi kao starije osobe, ljude, normalno životna dob ide tako kako ide i doće ti mladi ljudi koji žele, hoće da pomognu onim najugroženijima kome treba ta krv, ali iz nekih razloga neće moći, neće moći da da, neće, ne mogu da daju.

Evo ovdje je i obrazložen, obrazloženo u ovoj informaciji zbog čega je to tako. Znači, iz izvještaj, iz izvještaja Poliklinike za transfuziologiju se takođe vidi da je jako veliki broj učenika u srednjim školama koji su vraćeni i nisu mogli davat, nisu mogli darovati krv zbog niskog hemo-globina. Šta je u stvari to? Šta mi radimo kao društvo? Šta djeca u stvari jedu? Primjera radi, šta uzrokuje? Nemaju dovoljno željeza i to prouzrokuje druge probleme. Stvarno se niko od nas ne postavlja pitanje šta naša djeca jedu u vrtićima ovim?

Ima preporuka Federalnog zavoda za javno zdravstvo o ishrani djece u predškolskim i školskim ustanovama. Ne znam u stvari, ja ne znam možda netko i zna, dal stvar-no djeca dobijaju dovoljno željeza u predškolskim ustanovama da bi ojačali svoj organizam, da u narednom periodu između ostalog mogu biti i davaoci-darovatelji krvi? Ne znam šta u stvari uraditi u narednom periodu, ali ne bih sada ja, ovaj, ništa reduci...Ne bi ništa ranije govorio nego što dobijem...Ali ja ću jedno od narednih sjednica i postaviti to pitanje našim vrtićima,

između ostalog koju hranu djeca konzumiraju u vrtićima? Da li ima tu dovoljno željeza? Da li između ostalog, ovaj, gajimo zdra-vu djecu u narednom periodu? I zbog toga sam siguran koliko i to popravimo il pojačati na kraj krajeva, ovaj, hranu koja ima više željeza da nam se ne bi ovo desilo što nam se desilo u ovoj informaciji da preko 50 otprilike posto djece ni-su zdra-va da mogu dati krv, a žele da daju i zbog toga...Ovo sam samo zbog javnosti i zbog sviju nas stjeo da, ovaj, se javim da prodiskutujem bez i jednog zaključka, ali iz ove diskusije nek neko drugi izvuče zaključak kome je to potrebno. Hvala.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahva...Zahvaljujem se. Sljedeći za riječ se javio vijećnik Anel Ibeljić.

ANEL IBELJIĆ

Hvala predsjedavajuća. Evo ja nisam imao namjeru da se javljam. Kolega Elvir se javio ispred Kluba, ali je...Ponukala me je ova diskusija kolege Zorana Jovanovića a i zaključci koje smo donosili ranije. Prije svega kad se odnosi...što se tiče ovih slobodnih dana. Član 53. stav 4. Zakona o radu je propisao da radnik ima pravo na jedan dan plaćenog odsustva za svako darivanje krvi.

Mi smo do...na prošloj sjednici kad je, kad se razmatrala ova, ova informacija donijeli zaključak kojim smo apelovali na javna preduzeća i ustanove i privatna preduzeća, ovaj, da, da ih...na način da oni stimulišu svoje radnike da dobiju dva ili više slobodnih dana za svako darivanje krvi.

Mi kao Gradsko vijeće teško možemo izmjeniti Federalni zakon. To je ipak nadležnost Parlamenta Federacije. Svakako možemo apelovati. Ali ono što možemo uraditi jeste da možemo ovaj, tražiti od javnih preduzeća i ustanova koji je, kojima je Grad osnivač da izmjene svoje Pravilnike o radu tako što će propisati da dobrovoljni darivaoci krvi imaju pravo na dva dana plaćenog odsustva za svako darivanje krv.

Tako da ću predložiti zaključak: Gradsko vijeće, ovaj, traži od javnih preduzeća i ustanova kojima je Grad Tuzla osnivač da u skladu sa članom 53. stav 4. Zakona o radu izmjene svoje Pravilnike o radu na način da propišu da radnik dobrovoljni davalac krvi za svako darivanje ima pravo na dva dana plaćenog odsustva.

**ANA PEJIĆ – zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem se. Obzirom da nema više prijavljenih vijećnika za raspravu. Zaključujem raspravu vijećnika i dajem pauzu od 5 minuta. (Pauza.)

NATAŠA PERIĆ

Molim vijećnike da uđu u salu da glasamo o zaključcima.

Molim vijećnike da zauzmu svoja mjesta.

Konstatujem da je Gradsko vijeće Tuzla primilo k znanju INFORMACIJU O AKTIVNOSTIMA NA ANIMIRANJU GRAĐANA I ORGANIZOVANJU AKCIJA DOBROVOLJNOG DARIVANJA KRVI NA PODRUČJU GRADA TUZLA ZA PERIOD JANUAR - JUNI 2023. GODINE.

Molim vijećni...Molim sekretar da pročita zaključke proistekle iz rasprave i da se o njima vijećnici izjasne.

SLAĐANA KRAJINA – sekretar Gradskog vijeća Tuzla

Prijedlog zaključaka:

1. Gradsko vijeće Tuzla urgira na realizaciji zaključaka, usvojenih na 19. redovnoj sjednici Gradskog vijeća Tuzla, održanoj 15. septembra 2022. godine, prilikom razmatranja Informacije o aktivnostima na animiranju građana i organizovanju akcija dobrovoljnog darivanja krvi na području grada Tuzla za period januar - juni 2022. godine.

2. Gradsko vijeće Tuzla podržava prijedloge Crvenog križa/krsta Grada Tuzle, date u Informaciji o aktivnostima na animiranju građana i organizovanju akcija dobrovoljnog darivanja krvi na području grada Tuzla za period januar - juni 2023. godine.

3. Gradsko vijeće Tuzla traži od Javno komunalnog preduzeća Pannonica Tuzla i Narodnog pozorišta Tuzla da odgovore na zahtjev Crvenog križa/krsta Grada Tuzle da li su u mogućnosti da daju besplatne ulaznice na Panonska jezera odnosno karte za pozorišne predstave za dobrovoljne davaoce krvi, a ako nisu, da obrazlože razloge.

4. Gradsko vijeće Tuzla podržava inicijativu i sugeriše Javno komunalnom preduzeću Saobraćaj i komunikacije Tuzla da razmotri mogućnost da se dobrovoljnim davaocima koji su dali krv više od 20 puta izda besplatna parking kartica na njihovo ime na parkinzima na području grada Tuzle kojim upravlja ovo Preduzeće.

5. Gradsko vijeće Tuzla će u narednom periodu, kao pozitivan primjer građanstvu, organizovati akciju dobrovoljnog davanja krvi za vijećnike i uposlenike Gradske uprave Grada Tuzle koji će u Gradskoj vijećnici ili na drugom adekvatnom mjestu darivati krv.

6. Gradsko vijeće Tuzla traži od javnih preduzeća i javnih ustanova čiji je osnivač ili suosnivač Grad Tuzla kao i od Gradske uprave Grada Tuzle da, u skladu sa članom 53. stav 4. Zakona o radu, izmjene svoje pravilnike te da propišu da radnik za svako dobrovoljno darivanje krvi ima pravo na 2 dana plaćenog odsustva.

NATAŠA PERIĆ

Molim vijećnike da se izjasne o pročitanim zaključcima. (vijećnik Esana Kavazbašić Huskanović dobacuje s mjesta op.a.) (SLAĐANA KRAJINA – Pa to ima u zaključcima već od prošle godine i urgira se na realizaciji tih zaključaka.) Urgiranje na...(SLAĐANA KRAJINA - Svih tih zaključaka.) Ne može naknadno. Glasanje je okončano.

Konstatujem da su pročitani zaključci usvojeni sa,
24 glasa za, nije bilo protiv i nije bilo suzdržanih.

Dajem pauzu od 15 minuta i molim sastanak većine. (Pauza.)

Nastavljamo sa radom.

Prelazimo na posljednju tačku:

RAZMATRANJE IZVJEŠTAJA KOMISIJE ZA IZBOR I IMENOVANJA

(HASIB HIRKIĆ – Poslovnička.) Poslovnička. Hasib Hirkić.

HASIB HIRKIĆ

Evo ja ću prijedloge danas koje sam podnio znači, za izmjenu članova Savjeta mjesnih zajednica povući za neku od narednih sjednica.

NATAŠA PERIĆ

Konstatujem da je današnji prijedlog za imenovanje u Savjetima mjesnih zajednica povučen sa Dnevnog reda na prijedlog predlagача vijećnika Hasiba Hirkića. Zahvaljujem.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala zahtjev Nedima Bijedića, samostalnog vijećnika, za izmjenu člana Komisije za informisanje, te je usvojila sledeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje zahtjev Nedima Bijedića, samostalnog vijećnika, da se:

- Mulija Džulbegović razrješi dužnosti člana Komisije za informisanje,
- a da se na dužnost člana Komisije za informisanje izabere Mirza Mujezinović, pa molim da stavite na izjašnjavanje prijedlog.

NATAŠA PERIĆ

Glasanje je okončano.

Konstatujem da je pročitani prijedlog usvojen sa,
23 glasa za, nije bilo protiv i 1 suzdržan.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog vijećnika Senada Mehmedinovića, za izmjenu člana Savjeta Mjesne zajednice Lipnica, te je usvojila sledeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje prijedlog vijećnika Senada Mehmedinovića, da se:

- Semir Mehmedović razrješi dužnosti člana Savjeta Mjesne zajednice Lipnica,
- a da se na dužnost člana Savjeta Mjesne zajednice Lipnica izabere Miralem Čolić.

NATAŠA PERIĆ

Molim vijećnike da se izjasne o pročitanoj prijedlogu. Glasanje je okončano.

Konstatujem da je pročitani prijedlog usvojen sa,
22 glasa za, 1 je bio protiv i 1 suzdržan.

Pod tačkom deset imamo...Tačkom devet imamo:

Obavještenje Službe za prostorno uređenje i zaštitu okoline, broj 06/20-19-sl-358/2023 od 12. 09. 2023. o razlozima prolongiranja izrade Nacrta Odluke o provođenju Regulacionog plana stambeno poslovne zone „Kreka-jug” druga faza i Nacrta Odluke o usvajanju Regulacionog plana stambeno poslovne zone „Kreka-jug” druga faza i

Obavještenje Službe za kulturu, sport, mlade i socijalnu zaštitu, broj 17-418/23 MV od 08. 09. 2023. o razlozima prolongiranja roka za dostavljanje materijala za septembarsku sjednicu Gradskog vijeća

i konstatujem da su ova pročitana obavještenja primljena k znanju.

Dozvolite mi da, u ime svih predsjedavajućih Gradskog vijeća, uputim čestitke gradonačelniku Grada Tuzle, vijećnicima Gradskog vijeća Tuzla i svim građanima grada Tuzle povodom 2. oktobra - Dana oslobođenja Tuzle.

Pozivnicu i program obilježavanja ste dobili elektronski kao i na ulazu u salu.

Svečana sjednica Gradskog vijeća Tuzla održat će se u ponedjeljak, 2. oktobra 2023. sa početkom u 12,00 sati u Narodnom pozorištu.

Pozivam vijećnike i sve prisutne da prisustvuju obilježavanju 2. oktobra - Dana oslobođenja Tuzle.

Zahvaljujem se vijećnicima, vjećnicama, predlagачima, obrađivačima materijala i medijima i zaključujem 31. redovnu sjednicu Gradskog vijeća Tuzla. Hvala. (Hvala.)

(S obzirom da je Dnevni red iscrpljen i 31. redovna sjednica Gradskog vijeća Tuzla zaključena ista je završena u 12:41 sati.)

STENOGRAM SAČINILI:

Selma Šehić

Jasminka Delalić

P R E D S J E D A V A J U Ć I

Nataša Perić, prof. s.r.